



BIBLIOTHECA  
UNIV. JAGELL.  
CRACOVENSIS


Kat. Komp

42214

I

Mag. St. Dr.

P




42214


I

Medyo-pol

XX. h. 21









109

2 15

I

F

ONVPHRII BONFIGLI  
DISSERTATIONES  
*DE*  
PLICA POLONICA,  
*DE*  
P E S T E,  
*ac eius*  
CONTAGIO,  
*&*  
DE ABUSU IN CURA  
FEBRIVM PVTRIDARVM,  
*ac*  
MALIGNARVM.





42 2/4

I

PLICA  
POLONICA  
novissimè explicata:

*Ab*

ONUPHRIO BONFIGLI, M. D.

*Sub Auspicijs*

CELISSIMI DOMINI,

D. ADAMI  
SIENIAWSKI

*Comitis in Myß, & Szklow,*

CASTELLANI CRACOV:  
DUCIS SUPREMI EXERCITUM  
REGNI POLONIÆ,  
*Leopoliensis, Rohatiniensis &c. &c.*  
CAPITANEI.

---

CRACOVIAE,

Typis Francisci Cezary, S. R. M. Celsissimi  
Principis, Illustr: & Reverendissimi  
Dni Episcopi Cracovien: Ducis  
Severiae Typographi,

*Anno Domini 1720.*

P. I. C. A.  
P. O. N. I. C. A.  
Bovillius explicat.

ON THE BOWTOWN  
J. A. B. B. B.  
CHRISTIANITY

D. A. D. A. M.  
S. E. N. I. A. W. S. K. I.

C. A. S. T. I. D. I. A. N. C. A. T. O. V.  
D. E. A. S. S. I. N. G. E. R. E. T. A. T. I. O. N.  
R. E. C. O. N. F. E. S. S. I. O. N.

L. E. T. T. E. R. A. R. I. A.  
C. A. P. I. T. A. L. I. A.

W. A. D. O. T. T. E.  
The following is a list of the names of the  
persons who have been admitted to the  
Society of Friends in the year 1840.  
The names are arranged in alphabetical order.  
The names are as follows:

Ann Dumas 1840.



# CELSISSIME DOMINE.



Parsci " Græ-  
corum Pòetæ  
fingere consue-  
verant fabu-  
las, velut jocosa  
blanditiæ documenta mora-  
litis elicerent, vel ut Histo-  
rias mystica larva exornatas

jucundiùs repræsentarent. Cō-  
tigit fortasse apud illos, stupo-  
re quasi saxeo, vidisse plicosam  
fæminam dispersis per caput  
capillis funiculorum adinstar  
contortis, & angves imitanti-  
bus deformatam: sicut ipse  
dùm primùm in Poloniam in-  
travi, horrida Plicæ monstra ad-  
mirando, ac si echstasi fui de-  
prehensus. Quis ergo non ju-  
dicabit, Medusæ capillamen-  
tum hujusmodi non fuisse, at-  
qué fabulæ ansam dedisse?  
Morbosam hanc Medusam,  
non tam Naturæ, quàm mei  
calami errore turpem, ut pe-  
rimam, Prothei vices agam,  
non Palladis clypeo tutus, sed  
Tuo



Tuo patrocinio potenti, CEL-  
SISSIME DOMINE; siqui-  
dem Exercituum Poloniæ Dux  
Supremus Palladium Patriæ  
dici mereris; qui stirpis an-  
tiquissimo decore Illustrioribus  
Familijs conjuncto refulgens,  
qui prudentia, & magnanimi-  
tate ornatus, ac utroq; Miner-  
væ genio fœcundus, Princeps  
in sæculari Senatu, Princeps in  
Militia (si veteres Græcorum  
mores renovare liceret) inter Se-  
mideos extollereris. Liceat sal-  
tem, ut recisæ Plicæ triūphator  
se submittat auspicate Gloriæ.

CELSITVDINIS TVÆ,

*humillimus, devotissimus,*

*& obsequeantissimus servus,*

ONUPHRIUS BONFIGLI.





# PRÆFATIO.

EXCELLENTISSIMO DOMINO  
D. GODOFREDO KLAUNIG  
S. C. M., & Principis Palatini Medico,  
Poliatro Vratislaviensi, Curios.  
Naturæ Academico.



*Um sciiverim inter ve-  
teres Medicos (præter  
Herculẽ Saxonia, Tho-  
mam Minadorum, Ro-  
dericum à Fonseca, & Daniëlem  
Sennertum) de Plica nullum alium  
tractasse, neq; hos sufficienter scri-  
psisse; deinde Davissonum de hujus  
affectionis vanitate contendisse, &  
tandem inter recentiores Christianũ  
de Helwich in hist. morborum  
Vratislaviens. veritatem vindi-  
casse, quæ pluribus adhuc Medico-  
rum observationibus confirmatur,  
judicaveram necessarium fore Polo-  
nia,*



niæ, ubi maximè Plica endemius  
morbus existit, exponere quid pro-  
prio sensu, & praxi de hac compara-  
veram. Cracovia in Italiam itine-  
rans, gratiosa consuetudine Tua, &  
doctissima conversatione allectus  
Vratislaviæ precabar, ut una cum  
D. de Helwich iudicium de præsen-  
ti Tractatu faceres: Quibus placuit  
typis ipsum committere. Nunc au-  
tem eadem confusus apporbatione ad-  
didi aliqua, & recusum cum an-  
nexis dissertationibus, quæ antehac  
impressa seorsim fuerant, ad Te re-  
mitto. Me amare persevera, &  
Vale.

EXCELLENTISSIMÆ  
DOMINATIONIS TVÆ.

addictissimus servus,

& Amicus,

AUTHOR OPERIS.



**A**rtis Apollineæ, Bonfigli, filius ille  
Optimus en! nobis explicat arte Plicas.  
Explicat arte Plicas, sibi laudes explicat am-  
Et laudes Italis, cōmoda Sauromatis. (plas,  
Cōmoda Sauromatis producit mēte, manuq;  
Gratâ ut mente, manu suscipiant reducē.

**D. Godofred Klaunig,**  
Archiater Cæsar. & Acad. Imp.  
Nat, Curios. Collega.

---

**T**U, quē cura tenet Plicarū noscere causas,  
Bonfigli studio scripta revolve manu.  
Quod dudū latuit, patefecit Apolline magno,  
Myrinâ verè filius arte bonus.  
Arte bonus, meritis omni laudandus in ævo,  
Cum scriptis mūdo Commoda plura paret.

*Sic prænobilissimo, ac Excellentissimo Auctori  
honoris gratiâ apposuit.*

**Joannes Bernardus Sthaar,**  
Phil. & Med. Doct. Legationis in  
Moscoviam Medicus Cæsareus.

1. The first thing I observed  
when I entered the room was  
the silence. It was a deep  
silence, not the kind of silence  
that is often found in a library  
or a church, but a silence that  
seemed to be a part of the  
place itself. It was a silence  
that was not broken by any  
sound, not even the sound of  
my own footsteps.

## 2. The second thing I observed was the light. It was a soft light, not the kind of light that is often found in a library or a church, but a light that seemed to be a part of the place itself. It was a light that was not broken by any sound, not even the sound of my own footsteps.

3. The third thing I observed  
was the air. It was a still  
air, not the kind of air that  
is often found in a library  
or a church, but an air that  
seemed to be a part of the  
place itself. It was an air  
that was not broken by any  
sound, not even the sound of  
my own footsteps.

4. The fourth thing I observed  
was the floor. It was a hard  
floor, not the kind of floor  
that is often found in a library  
or a church, but a floor that  
seemed to be a part of the  
place itself. It was a floor  
that was not broken by any  
sound, not even the sound of  
my own footsteps.

5. The fifth thing I observed  
was the walls. They were  
smooth walls, not the kind of  
walls that are often found in  
a library or a church, but  
walls that seemed to be a part  
of the place itself. They were  
walls that were not broken by  
any sound, not even the sound  
of my own footsteps.



# DEPLICA.



Ecularibus vernaculis morbis regiones aliquæ distinctè infestantur. Septemtrio maritimas præcipuè oras respiciens, endemio scorbuto subiectas inficit plagas. In India Occidentali, ut in suo loco natali, Venerea lues communiter crudeliori contagio propagatur. In Styriæ, Carinthiæ, Hungariæ, & pluribus alijs mōtibus incolas ferè omnes Bronchocele deformat. Sic familiaris Plica Polonis, quam, raro in Medicis libris hucusq; tractatam, ab incurabili desperatione ut redimam, commiseratio mihi persvadet.

Et si Polonica dicatur, est adhuc extensa per Lithvaniam, Russiam Rubram, & Tartariam Minorem, ubi non solum ad humanum genus, sed etiam ad sues, canes, plurimos equos & alia bruta diffunditur. Hungaris etiam aliquibus hoc malum innotescit, & ex observationibus Schenckii Brisgois, Alsatis, Belgis, nonnullisq; Rhēni tractibus frequens esse reperitur.

Quamvis in cæteris Europæ partibus Plicæ nomen vix audiatur, suspicandum tamen, hanc ægritudinem ubique disper-



dispersam produci: certos immo nos red-  
dunt Medicorum fide dignorum aliquot  
historiæ, & præcipuè quæ in Ephemeridi-  
bus Curiosorum naturæ leguntur. Nec equi-  
dem caret sua Plica Neapolis, ubi plures,  
speciatim è fæminarum plebe, dignovi, tri-  
cam sponte capiti exortam cautè tuentes  
impexam, utpotè felicitatis indicium super-  
stitiosè reputatam, & quæ fabuloso com-  
mento *la Treccia della Fata* vulgariter ab  
illis appellatur. Attamen quidam ibidem  
axymi liturgici venditor, cujus glomerata  
Plica dum dissolvebatur ad genua perve-  
niebat, mihi narravit, se in pueritia diutur-  
nis infirmitatibus obnoxium fuisse; statim  
ac verò cirri connexionem nulla arte ex-  
tricabilem animadvertere cœpit, convalu-  
isse, qui usq; ad senium pancraticè adhuc  
vivebat. Subjunxit; postquam è capite  
infantuli sibi affinis bene valentis Mater re-  
ciderat caudam (sic ipse Plicam nuncupa-  
bat) in horrendas affectiones, & ad mor-  
tem usq; Filium adduxisse. Et quis nega-  
bit, implexum crinium per totam Italiam  
non rarò ex júbis equorum pendentem  
(*il Folletto* communiter dictum) clarissima  
præbere argumenta judicandi, prædictum  
morbum sese latius extendere, quàm pa-  
teat, ac pullulare sæpiùs, quàm permitta-  
tur, excrecere? Nam apud alias Nationes,  
etiãsi

etiāsi hujusmodi complicatio morbida fieri incipiat, nemine suspicante, nemine curante negligitur, nec finit usus pectinis, capillos intricari, abscindendos alioquin, aut abrabendos.

Sicut fateri debemus, nullibi tam fecundè Plicam propagari, ita nec indolis tam malignæ tyrannidem exercere, quàm in Polonia. Ubi quousq; intacta religiosè servatur, ac vegeta, corpus incolume à symptomatibus præservat: si verò aut pectendo irritetur, aut condeatur, subjectæ partes, in quas morbosa causa deponitur, periclitantur. Nunc caput doloribus, vel oculos defluxionibus visui insensissimis afficit; nūc respirationem difficilē, necnon cordis oppressiones inducit; modo stomachi turbat concoctionem, & ventris tormina suscitāt, & adhuc in fæminis cū passionibus hystericis confunditur; modò paralyfin, convulsiones, dolores arthriticos, rachitidē, tumoresq; ac ulcera parit; hinc febres erraticas, lassitudines ulcerosas, anxietates, fœtidos sudores nocturnos, tabem, ac plurima alia damna producit; ita ut morborum Protheus omnium symptomatum larvas assumat. In equis pariter hoc idem comprobatur, è quorum plicosis jubis turpissimæ tricæ ultra cæteros crines excretæ, & quasi ad terram usq; aliquando extensæ



alacritatem, robur, & celeritatem ipsis  
conservât: contra post incisionem segnities,  
gravis anhelitus, pedum tumor, aut cæci-  
tas ut plurimum sequuntur. Hinc non du-  
bitanda hujus endemij morbi genuina exi-  
stentia, quamvis quàmplurimi verum cum  
falso confundant, & aniam multis Physicis  
præbeant indistinctè credendi vanum esse  
vulgi errorem.

Quoniam certissimum est, quod plebs  
rusticorum impura caput pectere nescia,  
cùm in gramine sæpè degat, inter asperas  
herbas intricet capillos, quorum retortæ  
extremitates naturaliter interfecari debent,  
& varios nodos formare; quod cæteris Na-  
tionibus succederet, si mundities contrari-  
um non svaderet. Nostri vero Poloni sta-  
tim ac illius implicationis principia observât.  
germen veræ Plicæ ad salutem pullulasse  
putantes, diligenter colunt, ut in fœdum,  
& Medusæ simile ornamentum excrelcat.

Neque cōtradicare possumus, non pau-  
cos esse homines, qui dum aliqua difficili,  
vel longa infirmitate vexentur, ipsâ à Plica  
foveri non suspicentur; & quia tunc ca-  
put pectere cessant, & lotionibus ex deco-  
cto brançæ ursinæ cum lupulo, & musco  
terrestri utuntur, aut vino, oleoq; inun-  
gunt, quousq; emplastrati crines consultò  
conglutinentur, arte tricas efficiunt, ut sa-  
tisfa-



tisfaciant opinioni morbum ad extra all-  
ciendi, qui secum omnem causam è cor-  
pore asportet. Huic plaudentes non de-  
sunt Medici, qui cùm ægros sanare non va-  
leant, deceptæ communi credulitati assen-  
tiri malunt, quàm propriam ignorantiam  
fateri.

Quilibet ut faciliè sinceram infirmitatē  
ab imaginaria dignoscat, observabit legitimā  
Plicam semper viscido quodam humore  
madidam præcipuè in stipite, è quo abscisso  
purulentum sangvinem (si Famæ creden-  
dum sit) interdum extillasse contigit: pa-  
riter ubi immediatè implantatur, turgidi-  
usculos fovere capillos, ac statim è cute  
prosilientem mirabiles intersecationes in-  
choare, gravemq; spirare odorem.

Falsam ab impuritate procedentem  
distingvemus, cùm vel paleas, vel similia  
aliena simul cum crinibus intricata ut plu-  
rimùm abscondantur; sic dum non in caudi-  
ce, sed potiùs in medio, & circa extrema-  
tem complicatio subsistat; deniq; cùm ca-  
pilli naturalem temperiem, proportionemq;  
non amiserint.

Quæ ab arte non indiget signis. Sed  
quoniam accidere posset, veræ Plicæ cau-  
sam latitantem remediorum auxilio ad ex-  
tra evocari, dubium nihilominus tractu  
temporis tolletur: Falsa etenim manifesta-

bitur, si comæ quò magis excrescent, eò longiùs glutinatam tricam à cute asportaverint, quarum pars, dum continuò à pondere tracta è sua radice secedat, & semper tricis inhæreat, molem talem adaugere solet, ut viderim hujusmodi Plicas tandem de toto eradicatas per se cecidisse.

Phthiriasis, seu pediculatio inter diagnosticæ signa non admittenda; quia cum spurcitiem subsequatur, in omnibus tam morbosis, quàm factitijs cirris concurrere potest.

Legitima ergo Plica sic definitur: est pilorum, ut plurimùm capitis, irregularis complicatio, vel tricis funiculorum instar productis, vel ad galeri formam super calvariam compressis, propter ipsorum alimentum dyscraria peculiari alteratum à communi potissimum regionis dispositione.

Figura non re differentem divido cùm vulgo Plicam in marem, dum prolongatur, & in fæminam, dum latè caput cooperit. Propriè autem, præter acquisitam sive disponentibus rebus non naturalibus, sive per contactum, hæreditaria, & congenita distinguuntur.

Dixi, quod in capite ut plurimùm germinare Plica assueverit, quia rarò in barba apparet, cujus pili cùm sint capillis duriores magis resistunt: sed in cæteris pilosis parti-



partibus plures, quàm nobis constat, cirros occultari probabiliter asseritur.

Quomodocunq; Plica se prodat, Wilhelmus Davissonus, & Apologeticus liber, cui titulus Plicomastix, cum Bartholino inter corporis excrementa pilos annumerantes, in quibus morbi sedes constitui non possit, alijsq; innixi assertionibus universali experientiæ reluctantibus, imaginarium effectum esse contendunt. Contra quos cum Plempius, Hercules Saxonia, & alij solidioribus rationibus hanc controversiam jam discussierint, liceat nobis impræsentiarum de veritate morbi nullatenus dubitantibus illum constituere in depravata pilorum conformatione, quæ non solum ipsos degenerare facit ab usu ornatus, & salutaris tegumenti, sed aliquando non permittens absumi totum id, quod cæteris partibus est incongruum, harum quoque lædit actiones.

Si quis dixerit, capillos abscindi, & denudò crescere, calido ferro torqueri, ac tabescentes in senio calvariam sterilem destituere absq; ullo sensibili salutis damno, & ideò morbum ibidem locari non posse: consideret pariter, denudatos dentes, sine dolore secari, uri, cadere in pueritia renascentes, ac in senibus marcescentes sine molestia secedere; & tamen absurdum



esse dentium affectiones fabulosas judicare?

Si altera opponatur instantia, quod una cum dente avulso, sicuti malum eradicatur, v. g. caries, ita cum Plica abscissa ibidem succederet, nec juxta communem opinionem pessimi exinde timeri deberent effectus: respondeo paritatem non æquivalere, ut ex dicendis patebit.

Concludo. Si Alopecia à corrupto pilorum alimento, ac Trichiasis ab inversis ciliorum poris, communi Medicorum assensu, in numerum morborum aggregentur, cur solâ Plicâ hæresi physica persequi libet?

Capillos substantiæ aliquomodo cornæ vegetabiles esse omnium oculis apparet, illorum quæ fissibilitatē bifidæ, vel trifidæ extremitates demonstrant. Mediâte adhuc microscopio dignoscimus, aliorum figuram esse triangularem, aliorum quadratam, necnon aliorum teretem, ac politam cum tubulata concavitate, & corporis diaphaneitate. Radices autem, quæ in poris cutaneis implantantur tuliparum bulbis simillimæ, atque (non aliter tubuli) transparentes deteguntur: in quorum obtuso fundo (dummodò integrè eradicetur) convexus ocellus nigro colore præminet cum puncto, seu porulo pupillam simulante, per quem fluido liquori adaptum pateat, ingressus: ad hoc anatomia tandem patefacit vasculis sanguini-

sangyiferis tenuissimis, & nerveis filamentis subtilissimis radices istas irrigari.

Tali ergo diaphaneitate alimentum per angustissimū canaliculū, ac inter fissiles fibras subintrans concipere debemus rarefactum, moleculisq; homogeneis conflatum sese non interfecantibus, ut liberum, ac rectum transitum irradiationibus lucis non intercipiat. Cujus alimenti naturam scrutari liceat è capillorum destillatione, quæ subtilissima illorum fluida componentia in unum restringendo, oleosum nobis præbet liquorem salino-volatilem, & fætidum, qualem comburendo capillos odore comprobamus.

Oleositatem præexistere noscimus; quia hæc nulla artificiali violentia non tam è cute emanans capitis integumenta inungit, quàm è porulis lateralibus ipsorum capillorum in aliquibus transudans ita, ac si oleum perfunderetur, impingvat: Sal quoque manifestatur à crepitu, quem crines emittunt, dum accenduntur.

Volatilis iste liquor in halitus rarefactus, capillos penetrans, juxta variā aëris, & téperamenti dispositionē varijs coloribus eosdē pingit. Sic oleositas subtilissima, si sublimata salia proportionate modificaverit, undolas, & annulatas ornabit comas; si aspera



aspera volatilia salia oleositati prædominata fuerint, crispatos contrahent crines; & contrà humido aquoso diluta molliorem oleositatem reddent, & eisdem in longum extendent. Radicis quoq; configurationi pro alimento cribrando dicatæ multum tribuendum, non tam causâ laxioris, & strictioris pororum compaginis, quàm ipsorum rectitudinis & obliquitatis.

Quod alimentum se successive insinuet, testatur cultura capillorum, qui circa calidum ferrum revoluti, & exsiccati cincinnos non diù persistentes componunt, quoniam à novò affluxu relaxantur: crines autem mortui semel in factitijs comis contorti per longum tempus perseverant; quod simile in virgulis arborum pro paritate vegetationis experimur.

Hæc in naturali fiunt statu. Sed in gradu præternaturali Plicæ res alio modo procedit, ubi alimentum è sua indole degeneransprehenditur. Tunc enim salia oleosa minus volatilifata, sed asperam visciditatem adepta in bulbos capillorum conveniunt, & inde per tubulos subintrant ad illam usq; distantiam, quæ latiore locum penetrationi concedit; cùm vero ad extrema angustiora propter crassitiem, eadem fluiditate pervenire non possint, retardantur in via, & propè stipitem cum  
majori



majori concursu subsistentia canalem in latum taliter extendunt, ut dilatatum capillorum fissile corpus tandem cum rima crepare faciant; unde resinofus liquor, sicuti ex arbore sauciata, emanat, qui combinatus cum illo è cutaneis quoq; poris exiliente præcopiâ adaugetur.

Extrema interim capillorum pars à subtili consveta irradiatione non satis rescillata, paulatim extenuata exsiccatur: Et sicuti crines ab humido extenduntur, ita hoc deficiente contrahuntur, quos sicco pulvere aspersos videmus in curvam lineam per se converti, atq; supra lamina igni expositos vermium adinstar convelli.

Quomodo à siccitate hoc fieri possit, non absimilem reddimus rationem, cur flores, & reliquarum arborum flexibiles rami ad solem, quoquo versus ille respiciat, inclinent: illius namq; radij in caulem vegetantis plantæ impingentes, effluvia ex ista directione copiosius, quàm ex opposito eliciunt, & ob vacuas porositates concidentes, corticem in ista eadem parte corrugari, & super adnatum pondus inflecti cogunt, donec ex imbuta nova substantia vis resiliendi contra retrò gravitatem pressionem resumatur. Sed ultima capillorum medietas obstructa ob insiti humoris inæqualem resolutionem irregulari-

gulariter contrahitur absq; spe se denuò extendendi, cùm influum alimentum intercipiatur.

En Plicæ primordia, quæ à capillis incipit simul agglutinati in immediato limite capitis, dum eorum retortæ cuspides adhuc à pileo, vel jacendo compressæ, ut una cum stipitis visciditate adhæreant, illuc admoventur, & duplicantur, inter quorum interstitia multiplices aliæ interfecationes insinuatæ varijs nodis intricantur.

Augmenti præbent modum veteres capilli, qui à radice secedentes cum Plica tamen concatenati semper retinentur, & relictis bulbis, virtutem nova emittendi germina non adimunt, quæ tenullula vix foras exilientia inter adultorum tenacem transudationem agglutinantur; & quia è cute excrescendo adhærentem extremitatem elongare nequeunt, sed corpus contorquere debent in arcum, cum alijs ideò continuo succedentibus irregulariter intermissi, deformibus, & spurcissimis connectuntur tricis. Sequentis demonstrationis exemplum facilis approbationis lumen expandet.

Si duo ejusdem speciei virgulta eodem tempore, & propè nascentia artificiali glutine simul connectamus, unitè & æqualiter contigui gemelli adolescent: Si vero recen-

ter



ter exortum cum pede adultæ plantæ simili arte uniamus, videbimus molle germen ab immobili adhærente impeditum, non se naturaliter in altum extollere, sed depressum humili tortuositate vegetare. Ad hoc vis alia accedit; quod sicuti alimenti asperitas crispos capillos efficit, hic magis corrugationem promovebit salina ruditas cum crassitie conjuncta.

Verum quidem est, quod comæ in tricis, fœminarum more, compositæ longius excreſcere solent, quàm si relinquantur solutæ, & nulla vittarum constrictione attractæ; sed non ita succedit in Plica, ubi alimentum vitiosum æqualiter ad extrema non pervenit, & elongari capillos non permittit. Hoc quavis paradoxum appareat illis, qui ultra consuetam mensuram pendentes cirros primo oculo judicant, diligentius tamen aspicientibus, extensionem illam, decidentium capillorum concatenationem tantummodò esse manifestabitur.

Morbi formalitate, causaq; materiali proxima, & immediata satis expositis, ad remotam procedamus: hæc in sanguine perquirenda, è quo duplex recrementitia glutinositas distinguitur; alia, quæ in similem gummatibus substantiam concreſcit, uti est mucus, & lippositas; alia, quæ resinosa de-

prehen-

prehenditur, ut est aurium cerumen, & capitis unctuositas, quæ sæpissimè cum sudoribus febrium solito viscidior capillos tenaciter inquinat: & hujuscemodi indoli Plicosa materia assimilatur.

Hæc tamen excreta, ut talia, non existunt in sanguine, sed cum alijs mista elementis diversa facie disposita: nihilominus exuberantia respectivè hujus, vel illius heterogenij componentis, naturalem sanguinis crasim pervertit. Ab excretis ideo internam humorum constitutionem conjicere licet: Quis etenim non affirmaverit inter apes mellificantes, & catum Zibethinum cum cæteris animantibus disparitatem intercedere humorum? Sic inter hominem & hominem, quorum excrementa aliquo modo diversificentur, parem non esse temperaturam?

Unde Plicæ vitium constituo in abundantibus particulis sulphureis cum salibus volatilibus non ritè digestis, nec subtilisatis, sed in asperam, & rancidam visciditatem ad instar olei amurcæ concretis.

Ab hujusmodi ergo humorū dyscrasia fixam, & continuam foyente mineram, heterogenium illud, quoties ad fermentationis gradus exaltatur, toties sub capitis cutem ut plurimum deponitur, & in capillorū radices penetrando successivè foras amandatur.

Mira



Mira equidem Naturæ providentia, quæ sicuti particularia viscerum cola, & ubique varias glandulas pro diversis impuritatibus humorum cribrandis construxit, ita pororum configuratione speciali capillatam cutem dotavit, ut cum Plica latitantis causæ productum criticè despumaretur.

Si autem amurea plicosa intrò retineatur, vel ob internam fermentationem minùs attenuantem, nec satis concocta heterogenia expellentem, vel ob extrinsecam excisionem, quæ àèri causam præbeat condensandi affluentem humorem ad extrema relictorum crinium oscula (ita, ut cicatrice illic obducta extillare materia non possit) tunc rācidus sanguis evadere solet, qui vel effervescendo, vel asperè circulando, modò has, modò illas excitat turbas, quantas diversa particularum heterogeniarum combinatio in dissimilibus temperamentis cōmovere potest, atq; in ipso corde motrices fibras usq; convellit, aut opprimit: in cerebrū deposita, & succū nerveum conspurcās subtilior, aut crassior, sensuum & motuū organa irritando, aut opplendo, spasmos, paralyfim, aliasq; nervosi generis affectiones infert: ad inferiora viscera transcolata ipsoꝝ fermenta sperturbat, unde à rudi sanino-oleosa miscela digestionem, &

segre-

segregationes confunduntur, atq; affectiones tam hypochondriacæ, quàm Hystericæ producuntur: in sero lixiviali soluta, & per glandulas hinc inde segregata, aut extravasata, ranciditate peregrina exasperat modò capitis membranas, modò oculos, aures, periostia, vel articulos, modò fauces, & pulmonum bronchia, in quibus hostiliter restagnat: nunc ad putredinem digesta in sudores graveolentes liquatur; nunc cruda in scrophulas, strumas, & gummata condensatur, quæ interdum maturando per sal ad corrosionem exaltatum, in ulcera cacoethica, & fistulosa degenerant.

Talia morborum fermenta, quæ semel in sanguine radicata multiplicativam virtutem possident, difficillimè de toto supprimuntur: immo non tantùm cum seminali spiritu patris, vel nutrimento materno specificum idearum ordinem retinentibus in filiorum hæreditatem transfunduntur, verùm etiam expansiva eadem efficacia per contactum pilei, aut pectinis à plicoso tractati sano capiti communicantur.

Sicuti tineæ tineam, scabies scabiem, & cæteri contagiosi morbi sibi simile propagant, ita per determinatas partes, & non per alias juxta organorū proportionem infectio suscipitur, & in disposita sanguinis

mate-



materia effectum propriæ activitatis eliciunt.

Fermentorum multiplicationem clarò demonstrat exemplò cerevisiæ brassatura, & panificium; & subtilissimorum corporum vim expansivam testantur antiqua vina in cellis recondita vindemiarum tempore ebullitionem renovantia, quamvis multi fermentantis exhalationes per longum aéris tractum excurrere debeant. Hic autem in Plica minor dubitandi erit locus, ubi immediatus contactus, & proxima transfusio supponitur.

Ubi autem nullus contactus, neq; hæreditaria infectio conjectetur, nullam aliam procatarcticâ causâ dignoscere possû, quàm specificam aquam in hac singulari Regione. Aër etenim ab omnibus ibidem æquè inspiratus, omne genus hominum indistinctè ad Plicam disponderet, & cibus, si inculpari deberet, sedentarios potius, & & parasitos occuparet. Quoniam verò observamus frequentiore esse hunc morbum inter rusticos, & pauperes aquam bibere solitos, & natos, à genitoribus, qui simili potui assveverant, phantasticam aliam originem non inquiram.

Imò obstupesco, quare tales homines continuis corporis laboribus assveti (etsi crassiori alantur cibo) ob copiosam transpirationem

onem immunes ab hoc morbo non red-  
dantur, sicut sese præservant à podagra,  
calculo, & alijs quàm plurimis affectioni-  
bus, quibus divites infestantur.

Credendum est ergo, Plicæ causam,  
id est, oleosas **p**articulas crassas cum sali-  
nis volatilibus crudis in sanguine strictè  
colligatas à sero non faciliè dilui, ut simul  
per corporis trāspirationem separari pos-  
sint: sicut aquolum menstruum gumma-  
tum resolutioni adaptatum, resinas inta-  
ctas relinquit.

Vel, si mediante aliorum miscela, ma-  
teria morbosa cum sanguinea massa dilu-  
atur (velut resinæ cum vitello ovi, aut  
cum amygdalis contusis, non minus ac  
oleosæ essentia cum saccharo prius dis-  
solutæ, intimè deindè simul cum aqua  
uniuntur) nihilominus per omnes glan-  
dulas indifferenter cribrari non permit-  
tet: sed ad' poros pilosæ cutis particu-  
lariter configuratos delata, ibi tantummo-  
dò ab interpositis particulis liberabitur de-  
nuò, & velut in appropriata matrice in  
pingvem vitiosum liquorem excoquetur,  
qui pro capillorum nutrimento insinua-  
bitur. Exemplo diversæ speciei planta-  
rum in una terra, quarum unaquæque si-  
bi distributam diversam ab alia substanti-  
am assumit, juxta organisatam percolationis  
dispositionem,

Hinc



Hinc est, medicamenta omnia commu-  
nia, quæ per secessus, sudores, vel urinas  
movent, nocua potius in tali casu de-  
prehendi, quia multum exagitant, & nihil  
de morbosa causa resolvunt per loca non  
competentia.

Cirrosæ affectionis primitivum fon-  
tem aquis, quæ à montibus Carpatijs per  
Pocutium pluribus fluvij excurrunt, at-  
tribuit Fama, cui vix fidem præstare possum,  
quia in alveum Tyræ concurrentes, & Ma-  
re Nigrum subeuntes extrema Russiæ Po-  
lonicæ tantummodò lambunt. Credibile  
est, observatum ibi morbum alicui curio-  
so primam speculandi occasionem dedisse:  
cæterum, cum Plica per integrum Poloniæ  
dominium æquè extendatur, alijsq; remo-  
tioribus terris, cum quibus nulla communi-  
tio contagiosa conjecturari possit, adaptetur,  
universalior igitur origo cum rationibus  
magis particularibus perquirenda.

Unde autem hujusmodi insalubrita-  
tem contraxerit aqua, sequentibus patebit.

In terræ visceribus oleosam materiam  
foveri, indicat bitumina, & petrolei scatu-  
rigines, fontes, thermæ, & mineræ sulphu-  
reæ, ac montes ignivomi in multis locis  
patentes: tacitè verò ubique mediante  
fermentatione centrali unctuosus vapores ad  
terræ superficiem elevantur, & ipsam im-

C

pingvant;

pingvant; pro cuius fertilitate facilitanda  
necessarium duxerat natura repugnantiam  
oleicum aqua in amicabilem concordiam  
conciliare; ideoq; tertium adhibuit medi-  
um, id est nitrosum sal ab àere circumambi-  
ente communicatū, ut in unum mistum  
hæc tria colligata in plantarum abirent  
nutrimentum variè dispositum juxta po-  
ros, & delineationem figuræ seminalis.

Tale suppositum confirmatur, quo-  
niam hæc eadem principia, præter violentam  
destillationem, in ipsis vegetabilibus  
fatis per se manifestantur, quævis adhuc  
sub misti larva velentur; id est, sulphur  
in resinosis arborum lachrymis, & in pul-  
vere accensibili, qui super Musco terrestri  
clavato, & coryli turionibus reperitur; sal,  
ut acidum, in succo limonum, & in fo-  
lijs acetosæ; ut dulce, in sacchari arundini-  
bus, in uvis passis concretum, & supra ca-  
ricas efflorescens; ut salsum in herba Ka-  
li, quæ ad littora maris Ægypti copiosè  
crescit sapiens ad instar muricæ; præter al-  
gas, similesque in mari nascentes plantas,  
dummodò asseverare nolumus, has potius  
ab extrinseco condituram per maceratio-  
nem recipere: communiter etenim salis  
subintrant in plantas, vel fluorem adepta,  
vel sulphure modificata, ac variè disposita  
à quo saporès quàm plurimi emergunt. Pu-  
rissima



rissima similiter aqua ex incisiss furculis vitis, extillat, & è foramine in trunco betulae facta abundanter emanat.

Fertili pingvedine satis imbutam terram Polonicam testatur segetum abundantia absq; magno culturae labore, non aliam ob causam, nisi quia plana, & mollis rarissima continet saxa: ubi etenim silicium copia, ibi sterilitas discooperitur ob subterranas exhalationes ad superficiem interceptas; ideoq; in cacuminibus montium diutius perseverant nives, quamvis soli propius expositae, & citius in culto campo dissolvuntur propter porositates dictis effluvijs patentes. Hæc ipsa porositas ad spiritus nitro-aëreos in sinu terræ commiscibiles suscipiendos pro vegetabili conceptione necessario requiritur.

Aqua nivis, & pluviae non solum prædictae copulae fluiditatem impertitur, & salia aëreo-nitrosa, quæ in se continet, adauget, culturae satisfaciendo, sed etiam superabundans secum adhuc rapit de pingvi sale copioso, & in terræ viscera penetrans per cæcos ductus in puteos, lacus, fontesq; concurrat. Hinc est, quod Nilus aquarum crassitie campos Ægypti inundans majori adhuc fertilitate vices pluviarum adimplet.

Præter communem pingvedinem ob terræ loturam additur illa extracta à mul-

tis salino- sulphureis mineris, quæ per Poloniam dispersæ frequenter reperiuntur; ubi aliqua terræ spatia observata fuere, quæ sponte flammam conceperunt, & latè extenderunt incendium. Sic nuper in Palatinatu Sandomiriensi propè Dombroviam, stagnum, quod antea cum aquæ sufficientia copiam piscium fovebat, dehilcentibus cryptis exsiccatum paulatim remanserat; Pastores deinde in siccas arundines immiserant ignem, qui non solum in ipsâ repreferat terram, sed etiam exindè per quàm plurimos campos, in quorum glebis inflammabile pabulum latebat, diffundebatur; ubi porosissimum solum, & calcando resonans, vacuas intrò cavitates indicabat: tandem absumpta materia combustibili extinguebatur incendium, & aquæ denudò pluvix, sicut antea aggregatæ, concavum locum impleverunt.

Hinc probabiliter sic ratiocinari mihi concedatur. Ubi respectivè porosior est terra ad centrales usq; sinus continuata, ibi exhalationibus copiosis pingvibus magis imbuitur, quæ si subtilibus salinis fluidis combinantibus imprægnetur, sulphureum minerale concretum concipiet. Aquæ autem naturaliter in declivium excurrunt, sed in planitie terram minus resistentem excavant, per quam sibi viam aperiunt, qua



quâ possunt : Et sic credibile est huiusmodi sulphuratam terram, utpotè rariorem, ab aqua depluente emollitam faciliùs subfidere, quàm alibi, quousq; interposita spatia excludendo, strictiùs componat fundamentum, & sic in aquarum alveum adaptetur.

Non redarguant me quæso, Physici nimix arrogantiæ, si exemplo Dombroviensi persuasus supponam, multos lacus & stagna istius plani Regni super sulphuratos alveos residere; undè forsan sequitur, quod non æque territoria omnia ad piscam disponant.

Sed dato etiam casu Plicosos inveniri rariores propè istiusmodi loca, sicut in cæteris regionibus nullum, quamvis minerali pingvedine pariter ditatis, non ideò mea corrumpit sententia. Scio etenim, plures thermas potius medicamentosas maximè levaminis esse in multis morbis : Et sicut aliæ reperiuntur aquæ intensissimæ, & venenatæ, juxta mineralium unionem, quæ tandem multiplici aliarum concursu dispersæ, & per terræ cola purificatæ in suam pristinam, & nitidam constitutionem revertuntur, ità contrà observamus, saluberrimas aquas converti per miscelam, & corruptionem in pessimas, & usq; ad pestiferam infectionem.

Sic non est semper necessarium, quò propius oleosam originem, eò frequentius Plicæ effectum subsequi debere, sed potius ubi tales aquæ congestæ post digestionem, & circulationem una cum volatili universalium exhalationum pingvedine alio modo mistum disponat, ac exaltatam specificæ in salubritatis activitatem assequantur.

Præterea quælibet unctuositas mineralis non ubique sub unico aspectu, & simili proprietate, sed per variam missionem in multiplices formas à chymica natura elaboratur: hinc in sulphur commune, vel in lapideum carbonem concrescit, ibi in succinum, asphaltum, vel gagatem disponitur, alibi in petroleum, naphtham, aut similia bitumina distribuitur.

Credibile ergo sit, oleositatem mineralem procul adhuc cum aqua alportatam, facilius quoq; singularem Plicæ parere effectum in illis locis, in quibus singulari compositione modificatur.

Quod de àère diverso modo alterato, juxta mundi dispositas plagas varietatem morborum producente approbatur, ab aqua pariter per terræ pingvedinem particulari modo vitiata specificum effectum esse Poloniæ cum adjacentibus Provincijs communem confirmare liceat.

Assertum hoc vigorabit crassa pingvedo  
in



in aqua Polonica existens, quàm diligenter  
scrutabor.

Salinas, oleosasq; particulas simul  
cum aqua confluere non dubitandum, quæ  
ex mutua illorum combinatione, & quan-  
titate simplicior, aut impurior, medicata,  
aut insalubrior evadit. Optimæ aquæ si-  
gna sequentibus versibus inveniuntur ex-  
pressa

*Sic aqua clara fluat, qualis nitidissimus æther,*

*Dulcis, & exigui ponderis, & gelida;*

*Et tenuis currat nullo purissima limo,*

*Sitq; sapor nullus, sit procul omnis odor.*

*Frigescat breviter, modico simul igne caleseat,*

*Utilis, & duris apta leguminibus.*

*Hanc mihi si quis aquam dederit, vinosa valete*

*Pocula; nam vincit optima Lympha merum.*

Hujus notæ aquas non potui in Polonia  
invenire, ubi omnes crassæ, & salæ repe-  
riuntur. Non loquor de aqua pluvix, &  
nivis, neq; de illa, quæ per torrentes, &  
flumina rapido cursu è montibus descen-  
dit, sed illa hîc pertinet, quæ per pla-  
nam terram percolata, lacus & stagna com-  
ponit, aut in puteis excavatis restringitur,  
aut per fontium scaturigines profilit, &  
quæ ad potum, esumq; culinarum  
asurpatur.

Ea, quæ istius puritatem perturbant,  
& visum effugiunt, subtiliori acumine sunt

per-

perquirenda. Et ut facilius hoc elementum vitiatum, furtum fateatur in se absconditum, oculisq; nostris celatum, severissimam subeat torturam; quandoquidem manifesta indicia satis ipsum inculcant, & convincunt.

Vidi etenim aquam è puteis Polonicis, quamvis pro melioribus celebratis, in vase vitreo politissimo diu conservatam, concavos parietes subflavo tinxisse colore, qui nulla alia arte extrahi potuerat, quàm per acerrimum lixiũ: evidentissimum signum, tincturã illã fuisse salino sulphuream, quæ ut amica salia lixivialia intimè amplectatur, superficiales adhesiones relinquere solet.

Vidi etiam, cum sapone hanc aquam non esse miscibilem, respectu aquæ pluvialis, & fluminis; quia, cum satis, & ad plenitudinem sit onerata salibus, oleosisq; crassamentis, superadditum quoq; compositum è lixivio, & pingvedine incapax sustinendi redditur.

Quibus addo falsum, nauseabundum saporem, & interdum cum ingrato odore conjunctum.

Hinc strictius eandem examinans, crassiores, ac ponderosiores esse respectivè ad exterius exprobo, dum innatans in strumentum pro librandis aquis inventum, à densi-



denfiori fluiditate contranitente in his magis iustinetur, ne tam altè profundet.

Deindè in diversas aquas parum de sale Saturni, vel de aqua rolarum per campanam plumbeam destillata infundendo, Polonam observo faciliùs lactescere, densioremq; nubem efformare, quæ promptius ad fundum præcipitat.

Aquam tandem lentè evaporando, subtilissimam residuam terram collegi satis abundanter relictam, quam exsiccata ex humili urinali, aperto igne per gradus adaucto, distillans, guttulis oleosi liquoris salino-volatilis capitellum delibutum percepi.

Ex his, alijsq; experimentis idem comprobantibus, quæ brevitatis gratiâ relinquo, en aquæ Polonicæ culpa manifestè patefacta in crassa pingvedine particulariter vitiata, cujus ultimam differentiam distinguere impossibile sensibus redditur, undè Plica procatarætica procedit.

Exulet ergo illius potus: & ab ijs, qui ob pauperiem eximi non possunt, non admittatur, nisi saltem castigata, & correctæ, sicut dicemus.

In cerevisiæ fermentatione evidentissimè defæcatur, sicut in ferculorum ebullitione cum salis communis additamento invertitur; ità ut nonnisi valdè dispositis  
offi.

officiat. Nunquam etenim observare, neq;  
audire mihi contigit, ullum exteræ nationis hominem, quamvis à pueritia in Regno Poloniæ habitantem, tali affectione immunda correptum fuisse.

Nec omittendum, sevissimam pœnam, cujus incapax redditur aqua, per statutum legis decretum refundi debere contra impios, qui propriam Plicam abscissam in cerevisiam, crematum, aut mullum infundunt, & immundos liquores aut hospitibus propinant, aut alibi vendunt; idq; à fide dignis narratum acceperam, asseverantibus spurcissimum tale crimen passim à Judæis patrari, qui putant Plicæ morbum ab ipsis in potatores transplantari.

Certissimum quidem est, contagiosam infectionem hoc modo in alios transfundi posse, sed non assevero, quod ideò extirpetur in illis, undè procedit origo.

Hinc forsan apud ingenuos Polonos mos poculi ceremoniosus invaluit, ut qui ad bibendum invitat, antea gustare ipse soleat, deinde cum salutari testimonio de eodem liquore amicis officiosissime offerat.

Ex omnibus huculq; allatis, Cirrorum morbum per Physicas causas productum fuisse demonstratur; & per consequens quidquid de aquarum infectione per corda



corda à Tartaris venenata, ut historiae Polonicae narrant, aut de falcino, incubis, & de similibus fabulosis vulgo traditur, superstitiosum esse credamus.

Insanabiles sunt propriè illi morbi, qui in arida senectute cum spirituum deficientia superveniunt, vel in destructo irreparabili organo visceris alicujus pro vita sustinenda necessariò consistunt, vel ab humorum, aut spirituum tali corruptione procedunt, quæ ad habitum pristinae constitutionis amplius reduci non possit.

Alij vero morbi dantur, qui propter impuram miscelam, & viciatum motum, agnoscunt tantummodò massæ sanguinis, & succi nervei cum spiritibus naturalem œconomiam alteratam: sed quia rarò aut difficulter sanantur, incurabiles latò modò dicuntur, in quorum numerum & Plica adscribi debuerat.

Nunc autem ex hoc ordine ipsam hucusq; paucis, & inefficacibus sultam remedijs, etiam solo prognostico quasi desperatè relictam, pietate sincera ductus omnibus viribus eripere conabor.

Et quoniam macula sanguinis oleosa statim, & facile deleri nequit; ideò antequam abluatur per purgantia, placidis & appropriatis abstergentibus preparari debet, Beta alba, cujus decoctio sicut panum

num pingvedine infectum perpolit, virtutemq; saponis adauget, nostræ pariter intentioni fatissfacit, si succum ex folijs expressum, & à subsidentia percolatum lentè evaporabimus, & usq; ad extracti consistentiam condensabimus. Tunc

*R. Prædicti succi condens. unc. j.*

*Stibij diaphoret. dr. ij.*

*Flor. Salis armon. dr. j.*

*Misc. F. massa pilularum. Cuius dosis sit sc. j. ad drac. sem. continuando per 15 dies manè, & vespèri, iusculum superbibendo.*

*Vel sequentes pilulæ substituantur:*

*R. Albi stercoris gallinæ, vel anseris, vel columbi.*

*Succi Beta alba condens. aa. dr. v.*

*Mis. f. M. pilularum, quarum dentur sc. ij. pro una vice per duas septimanas, ut supra dictum.*

Tunc securiùs purgatio instituatür lenior per Magisterium Tartari solutivum Begvini, quod sic paratur.

*R. Magister. Tart. in aqua comm. soluti. un. j.*

*Scamm. sulph. in q. f. spir. vini solut. dr. iij.*

*Misc. ambas solutiones, & in B. M. evapora: id quod residet pulverisetur, & detur ad sc. sem. vel in dosi adaucta iuxta complexionem, mistum cum saccharo ad gratiam. Sumi poterit in iusculo, emulsione, aut ovo sorbili, reiecta albedine,*

*ant*



aut cum rosarum conserva. Purgato  
sic corpore.

℞. Fol. Parietariae.

Rorella.

Flor. Hypericon.

Sambusi.

Calendula.

} pug. j. in toto.

Mis. bull. leniter in seri lactis caprini un. viij.

Colatura adde.

Stibij diaphor. sc. sem.

Flor. Hematit. cum sale armon. subl. g. vj.

Mis. & per duas septim. quotidie ma-  
nè assumatur, in lecto quiescendo per  
horam, ut libera transpiratio sequatur.

Interim quolibet vespere balneetur  
æger per horam ante cænam in aqua flu-  
minis, in qua folia hæderæ arboreæ, & sa-  
ponariæ, ac tota planta sigilli Salamonis la-  
ti folij, scrophulariæ, lapati acuti, & fu-  
mariæ bulboæ ebulliverint cum musco  
terrestri repente, & branca ursina. Postea  
repetatur purgatio per spiritum vitæ aure-  
um Rulandi, qui ita paratur :

℞. Trochisc. Alband. un. sem.

Spiritus vini lib. j.

Misc. in vitro optimè clauso, & post  
sufficientem digestionem liquor cla-  
rus servetur ad usum. Dosis sit à  
dr. ij. ad un. sem.

His

His præmissis

R. Pulv. viperini rec. sc. sem.

(vel pul. serpent. vulgar. sc. j.)

Gum. Guaiaci nat.

Sulphur citrini accensib. qui supra Muscum terrestrem clavatum reperitur, diligenter collecti, aa. gr. v.

Flor. Hematit. cum sale armon. subl.

Pulv. milleped. ppt. aa. gr. iij.

Misc. F. pulv. pro dosi matutina, que assumatur cum un. vj. aqua sibiata sequentis.

R. Stibii crudi splend. & striati,

Petra pumicis aa. un. j.

Crasso modo contusa misc. & includantur in sacco, quem suspende in lib. vj. aque comm. adde

Ligni Juniperi un. j.

Sassafras

Rad. Caryophyllate. } an. un. sem.

Vincetoxici

Scrophularie du. j.

Fol. ulmi M. j.

Fumaria.

Scabiosa. } aa. p. j.

Saponaria.

Sem. anisor. p. ij.

Simul bull. lento igne in vase clauso per horas quatuor; quo refrigerato F. colaturâ, que servetur ad usum: id est, huius



ius aque un. vj. in vase pariter clauso quotidie manè calefacta bibantur, ut supra monitum cum pulvere, quatuor saltem horis ante prandium in lecto stragulis cooperiendo, ut sudor provocetur: & alie un. vj. bibantur vespere cum tinct. diaphor. antimon. gtt. XXV. dato intervallo duarum horarum ante, vel post cœnam: quorum usum per mensem prosequi debemus; advertendo, eundem supradictum sacculum pro qualibet renovanda decoctione semper inservire posse: sic quilibet ad gustum vel passulas contusas, vel liquiritiæ radices rasas, vel cortices citri, aut aurantiorum addat.

Vel loco dictæ tincturæ antimonij diaphoreticæ infundantur flores rorellæ in spiritu vini, ut macerentur; de quo lumantur gut. 40. ad 60. cum prænotata decoctione. Adnotandum rorellam colligendam esse in diebus canicularibus, luna crescente, die sereno ac calido, dum folia transudare solent; tunc etenim summe viget, & per sudores specificum edit effectum.

Salsa parilla in sanguine ab oleosa corruptione mundando quantum valeat, quilibet conijcere potest, si radicem hanc superficialiter calida aqua laverit: talis etenim loturâ mollis, & spumans, manus, ac si sapone tergerentur, perpolit. Qui decocti-

one

one ipsius per unum, & plures menses utetur vice ordinarij potus concepta spe non frustrabitur.

*R. Rad. falsæ parille elec. & incisa, un. ij.*

*Passul. mino. un. iij.*

*Cinnamo. acuti. unc. ij.*

*Mis. f. dec. in aquæ communis lib. viij. ad tertie partis consupt. quæ refrigerata coletur pro usu supradicto. Vel salsa parilla sola sine additamenti crasso modo contusa in cerevisiâ novellâ, dum adhuc fermentat, infundatur; qui liquor expleta defecatione bibatur.*

Per curam hanc præviam satis purificato sanguine, Plica tutò abscindatur, & caput abrasum semel quotidie abluitur cum spiritu vini, aut frumenti rectificato, vel cum lixivio communi, in quo folia saponariæ, parietariæ, rad. cyclaminis, semina staphisagriæ crasso modo contusa decoquantur; ut horum virtute absterliva fomes è capillorum radice extirpetur. Hæc lotio non dimittatur, quousq; capillos excretos pectine possimus excolere. Talis lotio etiam à principio maximè conducet, dum Plicam per contagium timeamus. Et nè ullus remaneat scrupulus retentæ reliquiæ, cauterium in brachio, saltem ad tempus aperiatur. Hæc pro Plica recenti.

Contra verò inveteratam crudeliori symptomatum tyrannide superbientem, magis



magis aptum, & efficacius non datur remedium, quàm suffumigium cinnabaris artificialis: dum etenim hæc accenditur, Mercurius minerale sulphur, à quo fixabatur, relinquit, & in corporis poros penetrans, novam sanguinis sulphurem ranciditatem amplectitur, quam simul raptam placidè cum sudoribus extrahit, abiq; ullo salivationis discrimine, dummodò tali methodo administretur.

Post præparantia, & balnea jam adnotata, & post diem intermedium quietis à purgatione secunda, (relictis alijs remedijs) immediatè ingrediatur patiens in laconicum ab accenso cremato, vel alio ferventi liquore, vel igne actuali calefactum, & taliter adaptatum. ut vapores recta per caput ascendere possint, faciei tamen ad extra libertate servata. Et cum sudare incipiat, super accensas prunas tres pilulæ descriptionis sequentis imponantur, una post alteram, commovendo, si opus fuerit, ut de toto comburantur. Hora circiter sudando, & simul in excipiendo suffumigio expleta, calidis linteis exsicceatur æger, & in calidum quoque cubile ingrediatur, ubi quiescat per aliam horam stragulis moderatè tectus, quousq; sudor lentè de toto cesset, & corpus ad temperiem deveniat. Deindè indutus, prandium ad ho-

ram unam, vel alteram differat, & ad aërem apertum non exeat per dies 20, in quibus semel quolibet mane continuare debet in tali sudore cum fumo; & adhuc ab hoc expleto tempore domi septimanam absumere pro meliori securitate convenit.

Interim dum talia fiunt, cerevisia cum infusione foliorum ulmi ordinariè bibatur, & regula in victu carniū tenui, & facilis digestionis servetur, absq; acidis, salis, crudis, & similibus pravæ substantiæ cibis. Tandem post laconicum continuetur per mensem in usu aquæ stibiata prædictæ una cum annexis.

Admoneo, quod tantum in vere & æstate suffumigium admittatur, cujus est talis descriptio.

℞. Cinnabar. artific. un. j.

Olibani

Myrrhe

Styrac. odor.

} aa, un. sem.

Misc. F. pulvis, cui adde

Balsami Peruviani. dr. j.

Et cum spir. vini q. l. fiat Massa, de qua formentur globuli 60. ad usum prædicti suffitus.

Curativam partem explevimus. Sed quoniam plurimi inveniuntur, qui timent, ne Plicam contrahant, aut jam contraxisse suspicantur, propter æquivoca cum alijs

mor-



morbis signa; præservativum ideò. & incipientis morbi extinctivum remedium in huiusmodi essentia restringam.

*Rx. Fol. Rorella rec. in dieb. canicul. coll. M. vj.*

*Beta alba.*

*Fumaria.*

*Scabiosa.*

*Hyperic. cum flor.*

} aa. M. ij.

*Rad. Scrophularia*

*Caryophyllata.*

*Vincetoxici.*

} aa. unc. iij.

*Sen. anisor.*

} aa. M. j

*Fœniculi.*

*Misc. contunde, & exprime succum, qui in B. M. leniter evaporetur ad mellaginem. Deinde*

*Rx. Huius succi condens. unc. vj.*

*Farinae flavae super musco clavato terr. reperibili unc. sem.*

*Pulv. Millep. pp. un. j.*

*Spir. vini dephlegmati. lib. j. s.*

*Misc. digere. & destilla s. A. aliquoties cohobando. Dosis à gutt. 30. ad 40. quolibet mane in vino, aut aqua Cinnamoni, aut alio liquore appropriato.*

Proposueram aquæ correctionem Rusticis, & pauperibus valde necessariam, quæ sine ullo dispendio facile assequi potest. Bulliant ergo leniter in qualibet olla aquæ pugillum turionum, seu strobilorum pineastris;

aſtri, vel abietis, & clauſo vaſe refrigera-  
ri permittant: Sic etenim baſſamica iſto-  
rum volatilitas potus corruptioni reſiſtet,  
quem citò permeabilem reddet, ne per  
diuturnam in primis vijs moram impurita-  
tes intrò depoſitæ retineantur.

Divites adhuc itineris neceſſitate du-  
cti, aquam interdum bibere coguntur: Ne  
ideò & ipſi ſuo commodo ſalubri defrau-  
dentur, ſed naſeam evitent, vel parùm  
de ſpir. vini aniſato, vel de ſequenti pul-  
vere admiſceant.

*R. Sem. Fœniculi dr. ij*

*Aniſi ſtellati dr. iij.*

*Rad. Glycyrrh. dr. vj.*

*Cinnamo. acuti. un. ſem.*


*Sacchar. albi. un. iiij.*


*Miſc. F. pulvis ſubtilis, qui irroretur cum  
ſpir. ſalis dulciſc. un. ſem., exſiccetur in  
umbra, & ſervetur in vitro. Huius pul-  
veris diſſolve quantum Cuſpide cultri capi  
poſeſt in quolibet cyatho aquæ, & ſic corre-  
cta, grata, & diuretica evadet.*

Ex his in publicum bonum ſi quid re-  
dundaverit, naturantis Providentiæ gratiã  
miremur; & cùm haud ſatis vindicaverim  
falſo imputatam Medicinæ inefficiam pro  
Plica pellenda, humani ingenij debi-  
litas, quæſo, excuſetur.

**F I N I S,**









DE PESTE,  
*& eius*  
CONTAGIO  
Dissertatio Epistolaris

*Ab*  
ONUPHRIO BONFIGLI, M. D.  
CONSCRIPTA:

*Sub Auspicijs*  
CELISSIMI PRINCIPIS S. R. I.  
GEORGII  
LUBOMIRSKI,

*Comitis in Wisnicz, & Jarostaw,*  
SUPREMI CAMERARII  
REGNI,

*Olsztynensis, Casimiriensis,*  
*Vszycensis &c. &c.*  
CAPITANEI.

---

CRACOVIÆ,  
Typis Francisci Cezary, S. R. M. Celsissimi  
Principis, Illustr: D. Episcopi Craco-  
vien: Ducis Severiæ Typographi,  
*Anno Domini 1720,*





# CELSISSIME PRINCEPS.



Vbino Sapphi-  
ro, & Hyacin-  
tho lapidibus  
pretiosis, pluri-  
mum virtutis  
in malignos, ac venenatos

morbos tribuitur. Præsens autem dissertatio de Peste sub pretiosioris Nominis Tui tutela, Celsissime Princeps, antidotum suum adinvenit. Gloria enim LVBOMIRSCIANÆ Prosapiæ Nobilissimis honoribus ornata, & pace, & bello quo pretio illuxerit, amplæ leguntur historiæ. Atavorum heroica gesta Tecum congenita, & relevata adaucto in dies splendore multiplicantur. Tuorum Famam in Te collectam, & non solum per Poloniae Regnum, sed per reliquum Orbem latè diffusam, si quis elogijs extollere niteretur



retur condignis, quemlibet  
eloquentiæ ausum imparem  
esse dignosceret. Laudes igitur  
sibi tributas Gemmæ cedant  
præstantiori Celsissimo merito,  
cui fausto salutis omine, Opu-  
sculum hoc dedicat.

## CELSITVDINIS TVÆ

*Humillimus, Devotissimus,  
& obsequentiissimus servus*  
ONUPHRIUS BONFIGLI.

LECTO-

hunc condignis, quibus  
etiamque, etiam in  
etiamque, etiam in  
etiamque, etiam in  
etiamque, etiam in  
etiamque, etiam in  
etiamque, etiam in  
etiamque, etiam in

CELESTIVUS: IV.

etiamque, etiam in  
etiamque, etiam in  
etiamque, etiam in

LECTO



# LECTORI.

**S** Alubris commercij felicitas, octo  
ab hinc annis Poloniæ restituta,  
nobis blandiri videbatur spe di-  
utiùs perseverandi, abolendique lu-  
ctuofam pestiferæ contagionis memo-  
riam. Ideò epistolarem dissertationem  
de Peste, quam ad Amicum sedato  
morbo scripseram, imposterùm obsole-  
tam inter labores inutiles deposue-  
ram. Cum denuò apud Turcas huic  
Regno finitimos Pestis præterito An-  
no Millesimo septingentesimo decimo-  
nono grassaretur, ac ineunte vere Le-  
opolim infecisset, & indè non solum  
per proximos pagos, sed jam in Decē-  
brem mensem lues usq; Lublinum dif-  
fusa cæteris Provincijs timorem in-  
cussisset, præsentem Tractatum, tam  
præservationis, quàm curationis  
causâ

causâ opportunum judicans, in lu-  
cem revocavi. Animo quo Tibi  
extrado, Lector benevole,  
suscipe, & vale.

DE





# DE PESTE,

& ejus

## CONTAGIO

### Dissertatio Epistolaris

D. HIERONYMO ZANICHELLI

*Celebri Venetijs Chimiatro.*



N tuum, Amice, Museum amplissimum Naturæ Theatrum, ubi quoq; fossilia, quibus summè delectaris, mirabilem exhibent scenam, quidquid in Polonia, physicis curiositatibus dignum colligere potui, jam dudum miseram; an verò pervenerit, nunciatum hucusq; non habui. Interceptum incuso commercium à pestifera lue, quæ per Turcicas merces primò Leopolim, deinde Cracoviam inficiendo, ad finem Septembris Anni Millesimi septingentesimi septimi, per totum hoc Regnum tandem irrepsit: Tunc etenim Opaviam in Silesia recesseram; unde post sexdecim Menses, dum morbus frigore videbatur extinctus, Cracoviæ me restitui.

stitui. Hic tamen observabam delitescen-  
tes contagij reliquias, adinstar febrís spo-  
radicè malignantis suspectam mortem sub-  
inde promovisse. Quousq; Anno Millefi-  
mo septingentesimo decimo accidit, ineun-  
te Junio Mense, quod mea coëtrix statim  
ac jacuerat super pulvinaria matris, jam  
inde à duobus annis, peste defunctæ (quam-  
vis aperto àéri per hoc temporis interval-  
lum exposita fuerint) infirmari cœpit. Dis-  
simulato morbo, prima die fercula de mo-  
re paravit; in sequenti bubones super in-  
gvina, ac tres carbunculos super brachi-  
um sinistrum mihi discooperuit; tertiâ die  
fatis cessit. Divino invocato auxilio, con-  
svetum expurgationis tempus cum totâ fa-  
milia incolumis superavi. Post Mensẽ  
lues in apertum extensa pristinas resum-  
psit vires, & nisi post annum imploratæ sa-  
luticefferat. Hinc plurimis edoctus peri-  
culis sistema Pestis concepi, quod breviter  
delineatum tecum communico, dum re-  
petito impullu ad respondendũ te impello.

Pestis est epidemicus morbus, ve-  
hementissimè acutus, malignissimus, &  
contagiosus, præcipitanter ex uno popu-  
lo plurimos afficiens, quorum plerosq; in-  
terficit, & sæpius intra quadriduum.

Differunt epidemici morbi juxta cau-  
sas, quæ non per eandem viam, nec pari  
gradu



gradu, nec unico modo agunt. Interdum  
cibus, & petus sive corruptus, sive  
corruptioni proximus, per stomachum,  
& intestina chylum inficiendo, malignas  
febres producit: interdum exhalationes  
putridæ per nares spiritus animales alte-  
rando, acutorum morborum influxus latè  
diffundunt: interdum civium timor, ob  
gravem Patriæ obsidionem, diurnâ im-  
pressione menti infixus, præter plurima in-  
commoda, ad acutas infirmitates corpora  
disponit: interdum depravatus àër per  
pulmones inspiratus, vel humoralem mas-  
sam, vel spiritus vitales immediatè per-  
vertit, & pessimi moris ægitudines gene-  
rat. Ex his procatarticam Pests causam  
seligentes, sine ulla hæsitacione asseramus,  
esse acidum nitro-àereum langvescens à dé-  
so miasmatis extranei concursu subjugatū.

Aërem ad vitam necessariissimum  
esse, nullus est, qui dubitet, cujus pabulo  
vitalis flamma destituta (non aliter ac  
ignis)extingvitur; ideò continuâ inspirati-  
one sustineri indiget; nec motus humorum  
perseverare potest, nisi particulæ àeræ san-  
gvini minutatim intermixtæ, fluiditatem  
ipsi conservent.

Ne corrumpatur àër, ejus compositioni  
pro condimèto, Natura nitrosum acidū con-  
cessit; quod ibidem realiter existere, suffi-  
cien-

cienter demonstrat sal nitrum ex àère conspissato parietibus cavernosis efflorescens; ejusdem salis, ac vitrioli dulcificata terra sub dio sufficienter exposita, quæ ex àère pristinam resumit salinam essentiam; ferrum, quod rore madefactum facile rubiginem contrahit; & àëris congelati salinæ configurationes, quæ per Septemtrionis atmosphæram volitantes, tempore hyemali sereno, scintillare observantur.

Hæc verò phænomena nitrum àëreum repræsentant modificatum; quod in suo esse primitivo, non amaram falsedinem sapit, ut nitrum commune, neq; corrosivam aciditatem, ut aquæ Stygiæ; sed aciditatem sulphure purgatissimo dulcificatam possidere debet tenuissimam, & volatilem, unde vis elastica resultat.

Decernere non audeo, an remota causa, prædictum nitrosum acidum obruens, constituenda sit in planetarum influxu inter se oppositorum, gradibus taliter refractis, ut àëris componentia tamdiù luctari cogantur, usq; ad acidi nitrosi depressionem; an potius putrida effluvia ex aquis stagnantibus corruptis, vel cadaveribus insepultis, & alijs fracidis materijs, vel mineris venenosis elevata, præcipuè post terræ motus, incusari debeant, quæ ab oppositis ventis circumpulla, & coarctata, extre-

mas in



mas in nitrum àereum hostilitatis vires fermentando acquirant: utrumq; enim probabile videtur.

Hoc unum est, quod corpuscula, quæ àëris balsamicam constitutionem in pestilentialem pervertunt, alia esse nequeunt, quàm sulphurea cum spiritu alkalico corrosivo ad putrefactionis gradum digesta, & taliter exaltata, ut arsenici volatilis superent indolem.

Ad id credendum inducunt exempla multorum halituum affinitate lethaliū. Etenim metalli fossiles ab aura maligna è cryptis expulsa aliquando necati fuerunt: canes in antrum Canis, propè Neapolim, immissi siderati extrahuntur, qui exindè in liberiori aura expositi pristinos resumunt sensus: incalescentium frumentorum vapor in horreis diu occlusus, & subita apertione ab intrantibus inspiratus, aut carbonum accensorum fumus in camera non eventilata compressus, subtilissimam àëris aciditatem præoccupat, & pulmones suffocat: opij exhalationes spirituum animalium elaterem deprimunt, & periculosum soporem inducunt: quædam venena speciali artificio parata per epistolas, flores, tabacum &c. in nares attracta, nitrosam vitæ aciditatem destruunt, & subito spiritus extinguunt. Hinc faciliè Authoribus assen-

assentior, qui morbos epidemicos pestilentiales, etiam arte venefica productos, scribunt. Scimus ex adverso acidum qualecunq; subtile præsens esse antidotum reparans damna a prædictis venenis inducta.

Si ergo intenso epidemicæ malignitatis gradu depravatus àér introducatur, vel cum respirio in pulmones, vel salivæ mistus, seu roris forma constrictus cum fructibus, & oleribus in stomachum, vel olfactu in nervos, vel per ambientis contactum in poros cutaneos, tunc immediatè spiritibus commiscetur; qui (dum nitidissimi, ac promptissimi conservabantur, præcipuum animæ instrumentū existebant pro motu juxta naturam tam locali, quàm intestino humorum) statim ac verò languidi àëris mistura conturbati relaxantur à debita elasticitate, evadunt inepti pro vitæ œconomica directione diù sustinenda.

Quamvis detecti vermes in sanguine Peste infectorum, ansam alicui dederint dijudicandi, Pestem fuisse animatam; probabilius tamen illos credamus non causam corruptionis sanguinis, sed effectum putridæ fermentationis, quæ apto focu ipsorum eruptionem ex ovis jam fœcundatis, & super extractum sanguinem dimissis, vel à muscis immediatè, vel per àërem volitant-



litantibus, dispositivè accelerat; ex quibus infectis prompta multiplicatio per naturæ ordinatam generationem emergere solet.

Eodem errore hallucinati sunt ij, qui aliquando ex apertis tumoribus in umbilico, naribus, & auribus, vermes excretos observaverunt, putando eos à corruptione, ut à causa efficiente primaria genitos fuisse; cum revera ex insectorum ovis in locum patentem depositis vermes excludi nullus dubitare debet; sive hoc sit, quia vermiculi jam nati non solum per manifestas cavitates subintrent, sed per occultas etiam: quandoquidem diligentibus observationibus in morbo pediculari, & sironum comprobatum fuit, pediculos, & sirones, non aliter ac comedones ex infirmo, in sanum per cutaneas porositates penetrare, inter communia integumenta cuniculos excavare, nutriri, crescere, ac ex ovis fecundatis multiplicare. Sic omnium insectorum generationes, juxta suas species, non per corruptionem, quæ dispositivè tantum concurrit, sed per ova fecundata etiam in intestinis, urina, aceto, caseo, fructibus, gallis, ac lignis antiquis &c. sive ibidem enixa, & occlusa, sive aliunde translata infallibiliter succedunt.

Nec illis assentior, qui vermium congeriem per atmosphæram pestiferam fluctuare opinan-

opinantur: nam quamvis ipsorum parvissima ova à ventis propulsa invisibiliter sustineantur in aëre, attamen insecta ex ijs prodire nequeunt, dum extra debitam matricem vagantur, quoniam in stabili loco foveri debent. Hanc veritatem muscæ, & extera insecta, quæ alas producant, non aliter ac aves nos docent. Certum est, quòd si minimi vermes in aëre persisterent, cum inspiratione in pulmones intrarent, quorum bronchijs adhærendo potius interciperentur, quàm statim in venas excurrerent, ac molestâ vellicatione, tussim incessanter provocarent, quousq; spuito excernerentur.

Rationi magis consonum est affirmare, Pestis formalitatem existere in motu tam intestino, quàm locali spirituum vitalium specifica putredinali alteratione perturbato ab alkali urinoso sulphur pingve sanguinis dissolvente, & vinculum ejusdem balsamicum corrumpente post acidi nitrovolatilis depressionem.

Non quælibet pestifera lues omnibus animantium speciebus indifferenter dominatur, quamvis sub eodem cælo degentibus, sed individuis tantum ejusdem speciei, quorum pars ob promptiorem confermentationem, facilius causæ morbosæ cedit, & pars magis resistit: hominis etenim, bovis, equi,



equi, & pecudum temperaturæ diversâ inter se modificatione constitutæ, non cum omnibus fermentis æquâ proportionē adaptantur, sed ex singulari. & mutua causarum conspiratione cum corporibus viventibus, Pestis resultat.

Hujus morbi vis multiplicativa ignis naturam imitatur, qui, a quolis misti particulis expulsi, sulphureas ad rapidum motum sulcitatur, & accendit, quibus eandem communicat activitatem reproducendi ex alia materia disposita novum ignem; & hic successivè sese ulteriùs expandit, quousq; subtracto pabulo extingvatur. Sic semina Pestis, animalium corpora penetrando, eorum volatile nitrum deprimunt, dum sulphur, & muriam, unito simul consortio, ad putrefactionis modum exaltant, quorum vapores expiratione, & transpiratione dimissi, si in proxima corpora stricto agmine transfundantur, sive per immediatum contactum, sive per certam loci distantiam, similem ibi producunt morbum, qui perseverabit in sui propagatione quousq; infectionis commercium removeatur, & interim maligna illa corpuscula ab invicem divisa disperdantur, & aliter modificentur.

Hinc detectam habemus originem contagij, quod filius Pestis procul etiam ab aëre vitiato in regiones, quanvis

saluberrimè constitutas, indifferenter transfertur. Nam corpora infecta sive animata, sive inanimata, (ut vestes, supellectiles, & merces quæcunq; porosæ, præcipuè plumæ, lana, gossipium, linum, & pelles, quæ semel imbuta pestilentiali mialmate, si postea nec diù, nec exactè eventilata fuerint, continuò luem conservant) inficendi activitatem extendere valent usq; ad dimensionem quinq; passuum geometricorum : ulterius securitatis terminus assignatur. Corpora verò ex particulis strictè coherentibus compacta, virus intra se non admittunt, ut sunt mel, cera, sebum, oleum, pix, cæteræ resinæ, & gummata, virescentes plantæ (non autem aridæ), vitrum, falia, terra, lapides, metalla, & cætera mineralia. Horum superficies tantummodò ab adhærente impuritate inquinatur; quòd si accidat, simplici immersione in aquam falsam, urinam, vel acidum liquorem macula contagiosa statim abstergitur.

Pestilentialia fermentum in hominibus dies quadraginta foveri tacitè potest, antequàm in apertum prodeat. Supellectiles verò, & merces longa eventilatione purgari debent absq; temporis limite, juxta porositatum varietatem.

Peltis & Contagium, naturâ non differunt, cùm Peltis sit Contagium in loco suæ



suae Originis permanens, Contagium quoq;  
Pestis peregrina; iisdem ideo symptoma-  
tis stipantur: nec eorum symptomata fa-  
ciem ostendant diversam ab ijs, quæ febres  
sporadicè malignas prosequuntur quan-  
vis ex crisi citius ad mortem præcipiti di-  
stingvantur. Inter phænomena verò, quæ  
hic occurrebant, observavi in primo morbi  
insultu faciem inflammatam, & oculos  
igneos, summam lassitudinem, vomitum,  
cephalalgiam, & viscerum ardorem, dum  
exteriora frigida convellebantur: deinde  
maximas anxietates, constrictivum cordis  
dolorem, deliquia, singultum, phreniti-  
dem, petechias, ut plurimum solito latio-  
res lupini granum æquiparantes, macu-  
las per cutem latè extensas vibicum instar  
livescences, bubones, & carbunculos.

Et quis non comprehendit à langvi-  
da spirituum elasticitate, quæ fibras muscu-  
lares satis inflare non valet, summam cor-  
poris lassitudinem sequi debere? Ob hanc  
rationem observavi refrigerata cadavera  
Peste defunctorum consueta tensione mem-  
brorum non indurescere, sed flaccida re-  
manere.

Et quis à sale muriatico, & sulphure  
fracidis humores substantia relaxari, & à  
vivido motu deficere non concipiet?  
Hinc tarda fit sanguinis circulatio, (quæ per

phlogosim in genis, & per venulas in oculorum albo tumentes evidentiori accensione se prodit) intestina misti discordia augetur, regularis fluidorum ordo pervertitur, & effervescencia febrilis assurgit, quæ inæquali agitatione sanguinis circa præcordia lentè excurrentis, ægros angustia, & dolore cordis cum anxietatibus vexat, & langvoribus. Tunc inflammatio intra viscera concipi debet, dum partes externæ, ob sanguinem in centro quasi coagulatum, spirituum expansione depauperata ægent. Tunc pulsus langvidus, celer, & inæqualis percipitur.

Hujusmodi sangvis, per cerebri meninges lentè circulando, ob extensivam vasorum plenitudinem, abrasiones, & pulsationes acerbissimo capitis dolore excruciat, & erisipelatosa per meninges restagnatione in phrenitidem cum gangræna desinit. Si tales sanguinis concretiones per viscera subsistant, ibidem quoq; sphacelus promptè subtequitur. Non aliter disponente ventorum intemperie, si accidat inflammatio in faucibus, aut in thorace, angina, pleuritides, & peripneumonix præcipiti morte terminantur. Interdum emortui sanguinis gutta, ulteriori circulationi per intercutanea vascula ineptæ, cutem sparsis petechijs sive purpureis, sive nigris maculantur.

Simi-



Similis pariter sanguis copiosus, per corporis superficiē trāsusus, hanc varijs livoribus inficit: Dum verò sanguinis sulphureo-salinæ particulæ ab acido volatili non corriguntur, tunc colliquatur massa, & in hæmorrhagias, vel in sudores diaphoreticos diffluit.

Succi pancreaticus, & biliosus alterati, ex intestino duodeno assurgentes per convulsionem in stomachum, rugosas ejus tunicas ruditer irritando nauseam, vomitum, ac singultum provocant, & eò magis, si dispositio inflammatoria, vel pustulosa, ibidem contigerit.

Si lymphæ acris per glandulas intestinorum erumpens, & unâ cum prædictis succis ad inferiora confluat, diarrhæas, & dysenterias crudelissimas movet. Eadem lymphæ glandulas salivales caustica acrimonia adurendo, escharam quasi inducit, quæ serositatis excretionem in os impedit; unde fit lingvæ ariditas, sitis, nigredo, & prunella: cum pituita viscida restagnando, nunc parotides intumescere, nunc bubones in inguinibus, & sub axillis protuberare facit; & cum lixivialibus pestilentis materiæ recrementis per corporis periferiam dispersa, & concreta hinc inde carbunculos elevat.

Dum autem in succo nerveo venenosum hoc vitium suas agit tragoedias, tunc

vigiliæ, deliria, lethargus, motus irregulares, & spasmodici fiunt juxta organorum præoccupationem, in quibus actio formatur.

Quo ad præservationis prognosim, multiplici exemplo comprobatum fuit, illos, qui canterij, aut habitualis ulceris, aut hæmorrhoidum expurgatione fruebantur, vel scabie, vel morbo venereo vexabantur, (propter acidum etsi vitiosum, istis morbis prædominans) veneno Pestis rariùs fuisse obnoxios.

Tantum magnanimitas juvat, quantum nocet timor, qui athereas vitæ particulas hebetes reddit, & apocrisi morbo sæ minùs resistentes; quamvis contrarium mihi monstravit sequens effectus. Audacissima femina, contagium ludibrio cum habuisset, vestem infectam induit, & brevi interiit, cui Hera contagij nescia, pietatis servitia, manibus proprijs præstiterat: hæc inde maximo perturbata terrore, extrema pariter expectabat: ipsi apprehensionem adauxerant vesicatoria in coxis consultò aperta, quibus ingvinales glandulæ per consensum cum dolore intumuerant, & bubones simulabant: attamen evasit intacta. Altera Matrona, duobus nepotibus, & tribus servis contagio extinctis, cum quibus infirmantibus familiariter egerat, timorem usq;



usq; ad delirium conceperat: nec tamen ista ullum periculum vitæ subjerat. Tempore quidem pestilentiae timorem excutere laudo; at potius consulo temeritatem in cautam prudentiam permutare.

Prognosticum in ijs, qui actu Peste laborant, nullo habito ad symptomata respectu, rarò ab exitu infelici recedit. Aliquando morbus intensissimè acutus unico die terminatur; aliquando parùm remissior ad septimū protrahitur; sæpius circa quartum fatalis existit. Inter phænomena dantur aliqua alijs pejora: Peteckiales maculæ omnes sunt malæ, pessimæ autem, quæ se extendunt in vibices, vel se eleuant in pustulas. Carbunculi bubonibus sunt periculosiores, & præcipuè, si livido colore circumdantur; ruber enim circulus minùs est lethalis. Bubones recedentes sunt magis infensi, quàm facilè suppurantes cum symptomatum levamine. Cætera cum febribus malignis conveniunt, inter quæ præcipuè sudores undiq; copiosi, & calidi bonum omen portendunt.

Quo ad temporis spatium securitati constituendum, dum quis contagium contraxisse suspicatur, compertum habemus, fermentum hoc ante diem quartum, ut plurimum, malignitatem in apertum exerere, sæpè inter septimum, & de-

cimum quartum, rariùs ab hoc ad quadragésimum; ulteriùs verò nunquam, dummodò pestiferum interim commercium non renovetur.

Ut igitur à Peste præservemur, æthereum acidum tam àëris, quàm spirituum vitalium præcipuum constituens in suo esse naturali conservare, ejusq; inimicas dispositiones remove expedit.

A DEO salutis Authore misericordia imploretrur. Domus, & Civitas tota omnibus purgentur immunditijs, canibus & porcis, qui per plateas vagantur, quorum pilis vis contagij inharere potest. Cloacæ & cœmeteria non aperiuntur, nec terra paludosa fodiatur. Annona optimi nutrimenti provideatur. Ignis quò frequentior accenditur, eò purior redditur àër, qui suo nitro volatili ignem suscitatur, & conservatur; sic acidum ignis subtile una cum sulphure purgato ascendens, crassos ab atmosphæra vapores dissipatur, & torpidum àëris corpus rarefacit, ætheream augendo elasticitatem, quæ anima mundi habetur. Pari ratione tam nitrum sal ex acido primitivo, & pingvi terra excoctum, quàm sulphur commune ex molli oleositate minerali cum acido subterraneo concretum, (& per consequens pulvis pyrius) si inflammentur ambientis vires extollunt,  
Cum



Cùm autem à loco infecto procul recedere non concedatur, inter validiora præsidia sulphur prima fronte opponatur, cujus effluvia acidissima existunt, & activitatē possident sese extendēdi, penetrandi, ac penetrati corporis poros aliter modificandi; ut patet, dum ejus fumo color ceruleo-obscurus floris hyacinthi, & violæ martialis convertitur in album; dum rubræ rosæ evadunt variegatæ, dum mappa vino rubello maculata pallescit, & dum argentum, & aurum (quamvis in arca profundè occludantur) nigrescunt. Cætera quoque acida suis viribus non destituuntur, quas experimur in opij narcosim minuendo, & aliquorum purgantium malignitatem moderando; præter plurimas alias componentium molecularum inversiones, quæ ab iisdem acidis promoventur in mistis non tam superficiali phænomeno, quàm etiam intrinseca totali mutatione. Non mirum ergo, si ab acore vegetabili, & eò magis à minerali pestilens virus corrigatur.

Fiat ideò in habitaculis frequens suffusus sulphure, cui suppleat aceti vapor vel bulliando, vel latera ignita aspergendo, quem vestes etiam excipiant, vel pulveris sequentis super ignem injecti pugillus sit in usu ter in die.,

R<sub>x</sub>. Nitri

℞. Nitri puri ℥unc. iiii.

Sulphur.

Succini.

Myrrha

Styrac. odor.

Olibani.

Baccar. Junip. unc. vj.

Mis. f. pul. pro suffitu.

Aceto acerrimo sive simplici, sive ruta-  
ceo, sive camphorato, sive rubi Idei, sive  
sambucino, sive myrrhato, manus sæpè la-  
ventur, & nares madefiant, eodemq; cum  
aqua temperato os abluatur. His præ-  
sidijs inter contagij discrimina, cum omni-  
bus meis domesticis, integra fruebar vale-  
tudine, dum adhuc bis in die bolum, ut  
sequitur, assumebam.

℞. Mellis Juniperi ℥unc. viii.

Flor. Sulphur.

Pulv. Hepatici rubri

Sacchar. alb. q. s.

ana  
} drac. iiii.

Mis. f. Confectio. Dosis sit ad ma-  
gnitudinem nucis avellane.

Nec unquam cessabam acetum olfa-  
cere, quo digitos etiam ante, & postquam  
pullum ægrorum tetigeram, mundabam,  
edoctus eâ consuetudine, quæ grassante  
pestilentia in Læmeconijs invaluit, ubi  
epistolæ, pecuniæ, & similia, libero conce-  
denda commercio, sulphuris fumo, vel  
aceto immersa purgantur. Quan-



Quantum valeat acidum volatile ad nostros spiritus recreandos, syncope lapsi fatentur, dum ipsorum nares aceto fricantur; hinc est, quod, ob fermenti aciditatem à furni calore exaltatam, panis calidi odor opportunum cordi levamen affert; huic fundamento innixi, ut præservemur à peste, panis recentis buccellam imbutam vino generoso aliquantulum austero (cujus basis est tartarea aciditas) matutinis horis comedamus.

Inter præservativa interna extollatur elixir proprietatis, cum spiritu sulphuris paratum ad guttas 20, syrappus ex succo citri myrrhatus ad medietatem cochlearis, rob sambuci ad magnitudinem nucis avellanae, rob ribium, conserva berberum, & pulpæ citri ad unciam semis.

Diximus eos, qui habitualis ulceris beneficio purgantur vim pestis facilius deludere: exinde imitando naturam, cauteria approbare liceat; his regularis victus accedat, & à veneris ulu, nec non à corporis qualicunq; defatigatione, quæ spiritus nimis dissipat, abstinendum erit.

Suffitus consueti è lignis odoriferis, resinis, aromatibus, & balsamis, quia sale volatili oleolo indicationi prædictæ repugnant, inutili dispendio repudiantur. Ob hanc rationem risu illos excipio, qui fumum

mum tabaci per tubulum ore attrahunt, supponentes hac olfactus pestilentia pestem corrigere; nam in Bokniæ Civitatem, me præsentem, contagium introductum fuit per ejusdem tabaci sarcinam.

Scuta verò, sacculi, olfactoriola, atq; plurima periapta, & amuleta ex bufonibus, arsenico, & mercurio parari solita, quæ è collo suspensa luem virtute magnetica, ab humano corpore divertere, & in se attrahere dicuntur, supersticiosæ credulitati relinquo.

Observabam Cracoviæ, Contagium frequentius infensum juvenibus fuisse, & promptius ijs, qui bilioso, vel sanguineo temperamento florebant: quoniam, qui abundant calido innato, sicuti plurimo indigent alimento (juxta Hippocratis fatum Aphor. 14. sect. 1.) ita proportionem ducta, copiosius vivido aëre sustineri debent: per consequens ab aëris nitrositate depravata magis patiuntur. Theriaca ergo, Mithridatum, Elektuarium de ovo, Orvietanum, & similia decantata pharmaca, ob plurima aromata, præservationis scopum non attingunt, sed potius acidum destrunt, & bilis alkalicum sulphur intendunt, ac propter opium, quod in sua compositione suscipiunt, spiritus figunt.

In curativa tantummodò parte theriacalia



acalia prædicta præscribantur, semper dissoluta cum acidulato liquore, quod primum indicatum omitti non debet: tunc etenim sanguinis emortuæ particulæ, per sudorem expellendæ, aromatico sale stimulari debent, dum spiritus ab acido sustinentur. Ubi sunt phlogoses, excandescentiæ, nimix hæmorrhagiæ, & colliquativi sudores, cavendum ab illorum illegitimo usu; dialcordium verò singulariter adhibetur, ubi diarrhææ, & dysenterix combinantur.

Cæterum sanguinis missione, nullo modo, in pestilentix vigore spiritus depauperare liceat. Cathartica nunquam conducunt; dum verò humorum turgentia, & plenitudo in stomacho, & circa primas vias adit, statim à principio emeticum tale propinetur.

*Rx. Croci metallor. in pollin. redac. drac. ij.  
Succi limonum unc. viij.*

*Mis. in vase vitreo; digere calore arenae per triduum sæpè agitando. Liquor filtratur, qui cum sacchari ana detineatur, vase clauso, in B. M. ad sacchari solutionem, & ad consistentiam syrupi. Dosis sit à drac. ij. ad unc. s. usq; a drac. vj, cum equali parte aquæ totius citri, vel rubi Idei, vel fragarum. Vel detur sapa vomitoria Sylvij à granis duobus ad tria, vel oxisaccharum vomitivum Sale à drac. ij. ad vj.*

*Præci-*

Præcipuum, & sine mora præsidium  
fit acidum vitæ volatile suscitare, & per su-  
dore expellere id, quod est corruptum,  
vel corruptioni proximum. Ad hoc.

℞. Flor. sulphur. }  
Antimon. diaphoret. } anag. iiii.

Camphoræ g. ij.

Sal. vol. piperar. g. j.

Rob. è baccis sambuci drac. ij.

Mis. f. bolus ter in die repetendus.

Superbibendo haustum decoctionis se-  
quentis.

℞. Pomi citricum toto minutim inci. lib. j.

Rad. scorzonera.

Fragar.

Acetosa

Contrahervæ.

} ana drac. ij.

Cornu Cer. limati unc. ij.

Cinnamomi acuti drac. ij.

Nitri stibiati drac. j.

Mis. f. decoc. in aque communis  
lib. viij, ad tertia partis consumpt. Cole-  
tur & saccharo, vel syr. rubi Idei dulcifi-  
cetur ad gratiam. De hac decoctione  
bibatur adhuc ad libitum iuxta sitim.  
Vel loco sacchari admisceatur tertia, vel  
quarta pars vini, quod ita dilutum con-  
venientissimus erit potus.

Mistura præscribenda frequentetur co-  
chleatim bis in hora,



*Rx. Aquæ totius citri unc. vj.*

*Syr. Cortic. aurant. unc. j.*

*Mistura de tribus drac. j.*

*Spir. è formicis acidum spirantibus post  
digesti. destill. scrup. ij.*

*Confec. Alkermes. }  
Hyacinthina. } ana drac. j.*

*Lactis sulphuris drac. s.*

*Mis. pro usu predicto.*

Conducunt pariter acetum bezoarti-  
cum, vitriolum diaphoreticum Salæ, balsa-  
mum sulphuris terebinthinatum à suo me-  
struo segregatum, vel sulphuris tinctura,  
spiritus-nitri dulcis aromaticus, spiritus sa-  
lis dulcis camphoratus & tinctura Bezoar-  
tica; quæ apto liquore diluantur, vel addan-  
tur misturis ad præscriptæ formulæ imita-  
tionem.

Pulsibus & cordi, & naribus applice-  
tur calidè acetum rubi Idei, rutaceum, vel  
ex infusione florum sambuci, & lilior. con-  
vall. mistum cum vino moschatellino, aqua  
rosarum, & florum aurantiorum. Stomacho,  
& umbilico calidum applicetur empla-  
strum paratum ex pane parùm torrefacto,  
& contrito, ac imbuto vino moschatellino,  
& æquali parte spiritus theriacalis campho-  
rati.

Vesficatoria maturè applicentur bra-  
chijs & coxis.

*His*

His in genere expositis, specifica ad-  
dantur, quæ assitens Medicus necessaria  
dignoverit, juxta symptomata in diversis  
individuis sæpè variantia: tantummodò  
præscriptionum aliqua exempla opponam  
contra illa, quæ hîc frequentius occurrunt.  
v. g.

### Pro Prunella.

℞ Cor. Cer. limati. unc. j.

Carnis vitulinæ tendinosæ frust. j.

Aquæ Prunellæ lib. ij.

Mis. f. decoc. ad iusculi visciditatem.

Colatura adde.

Syr. è succo citri

Rubi Idei

} ana unc. j.

Salis Prunellæ scrup. j.

Et in frigido coaguletur S.A. in Gelati-  
tinam, de qua Gelatina frustulum frequen-  
ter in ore liquecat.

### Pro capitis dolore, & Phrenitide.

℞. Flor. sambuci

Fol. verbenæ

Hædera terres.

} ana pug. j.

Nucleor. Persicor. contus. drac. iiij.

Mis. f. decoc. in aquæ partibus iiij. &  
aceti par. j. ad mollitiem cataplasmatidis  
adde.

Nitro



Nitri puri drac. s.

Camphora rasa scrup. s.

Panis triti. q. s.

Ad Massam Cataplas. que extendatur super  
telam, & circa frontem, & tempora applicetur.

### Pro anxietatibus, cordis op- pressionem, & deliquio.

Rx. Spir. salis armonia. aromati. } ana drac. j.  
Elixir vita. }

Syr. Cinnamoni essentific. } ana drac. s.  
Perlati. }

Mis. Dentur gutta 30. pro vice in cochle-  
ari vini, repetendo iuxta urgentiam.

### Pro alvi fluxu.

Rx. Pulv. Pannonici rubr. scrup. j.

Aceti sambuci. drac. j.

Syr. Cydonior. unc. s.

Aqua scorzonera. unc. iiij.

Camphora gr. ij.

Mis. f. potiuscula danda qualibet 4tâ  
hora.

vel Rx. Elec. Diascord. Fracast. drac. j.

f. bolus, sumatur & superbibatur aqua  
totius citri haustulus, repetendo iux-  
tâ necessitatem bis, & ter in die.

### Pro narium Hæmorrhagia, & sudore colliquativo.

C

Rx. Aqua

*R. Aqua acetosella* } *ana unc. iij*  
*Fragarum.* }  
*Rosarum.* }  
*Cinnamo.* } *ana unc. s.*  
*Syr. rubi Idei.* }  
*Cydoniorum.* }  
*Confec. Hyacintb. f. o. drac. j.*  
*Terra sigillata.* }  
*Cor. Cer. philos.* } *ana scrup. j.*  
*Agarici mineral.* }

*Mis. detur cochleatum frequenter.*

Externè in hæmorrhagia, acetum capiti applicetur, & cum alumine dissoluto atrahatur per nares.

Quoniam Bubones, & Carbunculi, majori ex parte, pestis tragœdiam explent, eorum curam tandem subnectam.

### Pro Bubonibus.

Bubones, qui statim cum dolore, & inflammatione elewantur, ad promptam suppurationem disponantur hoc cataplasmate

*R. Cepar. albar. sub cinerib. assatar.* } *an. lib. s.*  
*Stercor. bovis (vel hominis.)* }  
*Mellis.* }  
*Axungia caponis.* } *ana unc. j.*  
*Ol. lilior. albor.* }  
*Scorpion. simplic. unc s.*  
*Mis. fiat cataplasma calide applicandum*  
*& renovandum.*

Ince-



Incepta suppuratione tumor cultro  
aperiatur, & ulterior maturatio, & totalis  
expurgatio promoveatur sequenti cerato  
continuando, & renovando, usq; ad cica-  
tricem.

Rx. Rad. Altheæ. }  
Lilior. celest. } ana unc. iij.

Mundatas radices in taleolas subriles  
incisas frige in lib. ij. olei communis ad  
nigredinem usq; reiectis radicibus, adde  
oleo

Sulphur. subtil. pulv. unc. iij.

Terebinthina Vene. unc. j.

Cera virginæ unc. ij.

Semper spatula agitando coque lenitè,  
usq; ad mollem consistentiam emplastri,  
quod serva ad usum.

Si verò tumorem depressum retroce-  
dere suspicemur, cucurbitula, sinapismo, &  
adhuc vesicatorio. ipsum ad extra attra-  
hamus; qui semicrudus deindè aperiatur  
sive ferro, sive caustico aliquo, ut est em-  
plastrum ruptorium Salæ; & tandem supra-  
dicto emplastro suppurante procedatur  
juxta morem.

### Pro Carbunculo.

Ut rumpatur, & separetur quàm citi-  
ùs carbunculus, si mitior, & cum rubore  
appareat, antequàm ad sphacelum vergat

in usu sit emplas. antipestilentialia attractivum, & rumpitorium Salæ. Digeratur communi unguento digestivo cum additione ungv. Ægyptiaci, vel Apostolorum; ac tandem impleatur ulcus filis carptis, & imbutis balsamo sulphuris Rulandi, superponendo emplastrum diapalmæ.


Si verò malignior sit carbunculus cum nigredine, aut livore, tangatur ejus apex vel ferro ignito, vel butyro antimonij; deinde digeratur prosequendo, ut de alijs supra innuimus.

Reliqua Chirurgis adstantibus commendamus juxta circumstantias & accidentia.

En Amice, quod tuo judicio committere nunc proposui. Si bellum, quod Regnum hoc crudeliter lacerare jam inde ab aliquot annis perseverat, animo inducias aliquando concesserit, pluribus te sæpius quæram. Tuis studijs me allectum dilige.

Vale.

*Cracovia Kalendis Maij. Anno 1711.*





ti-  
m-  
ne  
an-  
ou-  
o-

um  
ex  
le-  
fu-

m-  
ci-

nit-  
um  
ali-  
a-  
iūs  
ge,





DE ABVSU IN CVRA  
PUTRIDARUM,  
ET  
MALIGNARUM  
FEBRIUM,  
Dissertatio Epistolaris;  
*Sub Auspicijs*  
ILLUSTRISSIMI,  
*ac*  
EXCELLENTISSIMI DOMINI,  
JOSEPHI  
GONZAGA  
MYSZKOWSKI,  
MARCHIONIS MYROVIENSIS,  
& PINCZOVIENSIS,  
CASTELLANI SANDOMIR: &c.

---

CRACOVIAE,  
Typis Francisci Cezary, S. R. M. Cellissimi  
Principis, Illustr: Rndissimi Dni Episc.  
Crac: Ducis Severiæ Typographi,  
Anno Domini 1720.

THE HISTORY OF

THE CITY OF

NEW YORK

FROM THE FIRST SETTLEMENT

TO THE PRESENT TIME

BY

JONATHAN

EDWARDS

OF NEW YORK

IN TWO VOLUMES

THE FIRST

FROM THE FIRST SETTLEMENT



ILLUSTRISIME,  
<sup>AC</sup>  
EXCELLENTISSI-  
ME DOMINE.



Ellum sive pro Pa-  
tria tuenda, sive  
pro infenso hoste  
debellando gera-  
tur, semper truculentū Regum  
opes atterit, militum cruorem

A2

effun-

effundit, & provincias deva-  
stat. Sic violens Medentium  
excessus semper inimicus salu-  
tis in poenitendum dispendi-  
um, in sanguinis vindicabilis  
missionem, & in vitæ perni-  
ciem persæpè irreparabilem  
evadit. Tibi ergo, Illustrissi-  
me, ac Excellentissime Domi-  
ne, qui ab irrequieta turbu-  
lencia remotus animi tranquil-  
litati, (sophicæ consolationis  
parti meliori) studes, qui corde  
ingenuus, & genio nūquā par-  
tialis publico bono associaris, sa-  
crare debui Dissertationem,  
quæ in morbis acutis remedi-  
orum conatum, adversantem  
Naturæ, repudiat, & ad sedan-  
dum



dum Febris tumultum sincere-  
ram methodum disponit. Hic  
meum non est extollere enco-  
mijs à pluribus sæculis in MY-  
SZKOWIENSI Familia Mi-  
tras Episcopales, Primarios Se-  
natorum gradus, inter quos  
Ipse refulges, & Supremi Mare-  
schalli Regni Poloniæ autho-  
ritatem; neq; commemorare  
merita aggregati cognominis  
GONZAGA ex Serenissimis  
Ducibus Mantuæ; neq; con-  
jugalem affinitatem cum Ori-  
ginarijs in hoc Regno Princi-  
pibus; neq; unicam Marchio-  
nis dignitatem cum bonorum  
Ordinatione in Majoratum  
speciali Reipublicæ consensu

distinctum, ac hæreditario gradu in Te constitutū; nam à taciturna admiratione magis laudaris, dum affabili modestia condignas laudes omnibus satis cognitas non ambis. Sola me tenet ambitio excolendi Primum in hoc Regno adeptum ab annis xx. Mecœnatem, & nunquam desistendi esse.

ILLVSTRISSIMÆ,  
*ac*  
EXCELLENTISSIMÆ  
DOMINATIONIS TVÆ.

*humillimus, devotissimus,  
& obsequentissimus servus,*  
ONUPHRIUS BONFIGLIO.



NOBILI, ac EXCELLENTISSIMO  
D O M I N O  
CHRISTIANO de HELWICH,  
MEDICINÆ DOCTORI,  
*Academiae Leopoldinae naturæ Curi-  
osorum Meritissimo Socio.*

Vastus ille tuus in Medico-Physicis, Christiane semper mihi faventissime, Genius, Historijs morborum latè per typos extensus, torpentes adhuc amicos ad literariæ Reipublicæ propagationem provocare non cessat. Hoc ipse experiebar laudabilis consvetudinis officium, dum in Leopoldina Academia inter Naturæ Curiosos me candidatum promovere obtulisti; non obstante rudis ingenij mei notitiâ, quâ doctæ societati impar excusari contendebam.

Et quidem per annos 30. Medicam Praxim exercens, sedula methodo Naturæ administrando, quamvis in chronicis morbis oppressam ad salutarem statum eandem feliciter sæpius reduxerim, attamen in Putridis, & Malignis Febribus nullam ex arte medelam certam constituere potui: hinc cum sincero Oraculo, Naturam esse medicatricem, & unicam, præcipuè in his morborum speciebus, acquiescere debui. Id autem demonstrabo,

ut

videar in sanandis corporis humani affecti-  
onibus, quæ frequentius, ac periculosius  
contingunt, nil unquam profecisse, unde pro  
Naturæ subsidio Curiosus insigniri merear.

Naturæ nomine in Physicis expri-  
mitur, Regula à DEO unicuiq; materiæ  
corporeæ speciatim insita, vel respectivè  
ad invicem disposita mediante motu ordi-  
nem dirigente. Quotiescunq; motus in  
corpore humano vel imminutus, vel ex-  
cedens regularem pervertit œconomiam,  
præternaturalis resultat indispositio, quæ  
dicitur morbus.

In Putridis, & Malignis Febribus in-  
ordinata liquidorum, & fluidorum exagita-  
tio ab alijs distingvitur; quia non ita suc-  
cedit, sicut dum ab organis circulationis sim-  
pliciter irritatis sanguinis cursus concita-  
tur, ut in cordis palpitatione; nec sicut dum  
à spiritibus volatilibus per balneum, ebrie-  
tatem, insolationem, iram, &c. nimium  
rarefactis, sangvineæ massa ad instar liquo-  
ris igne ebullientis effervesceat, ut in eph-  
mera, & caustone; nec sicut dum in una, vel  
pluribus mesenterij glandulis coagulatus chylus  
accescit, cujus aliqua portio cum lymphâ  
ibidem concurrente si dissolvatur, ipsam  
ad horas aliquot digestam in talem acorem  
invertit, ut corrugatis ideò mesenterij fi-  
bris expressio violenta sequatur: hinc talis  
lymphâ



lymphæ partim intestina versus, partim ductum thoracicum subit, & frigoris paroxysmum varijs symptomatibus stipatum inducit perseverantem, quousq; sanguinis particulæ alkalicæ volatiles inimicum saporem temperent, & in salsum commutent; Id sine lucta caloricam ebullitionem inducente fieri nequit, quæ cessat vel recrementis per poros cutis expulsi, vel cum urina præcipitatis; inde, juxta depravatæ materiæ concurrentis constitutionem, & copiam, citius, vel serius aciditas fluida exaltatur pro renovando paroxysmo seu quotidianæ, seu tertianæ, seu quartanæ febris: Nec ita succedit, sicut dum lymphæ externo, ut plurimum, frigore retardata in glandulis conglomeratis circa caput, nares, collum, fauces, laryngem, &c. ibidemq; aliquantulum acescens, ac inde sanguini commista catarrhalem febrem inducit: nec fit, dum humor in aliquo tumore putrescens corruptum acidum sanguini circulanti communicat, & musculares illas fibras cum venis, & arterijs ibidem sparsis dissolvendo, fluidorum corpus febriliter exagitat.

Sed aliter in prædictis Febribus Putridis, & Malignis res agitur, ubi sanguinæ massæ effervescentia præternaturalis ab intestino tumultu componentium inter se repugnan-

gnantium immediatè exoritur, nec turbata agitatio semel incepta cessat, donec continuato quatuordecim, ut plurimum, dierum concursu, amicæ particulæ successivè ad invicem sese amplectantur (hæc est concoctio), & illas, quæ placidæ commistioni repugnant correctas tandem subjugent, & faciles reddant segregationi per corporis cribra magis disposita.

Feliciter hoc sequitur, quando æthereæ mobilior materia, seu spirituosæ, uti primum naturæ instrumentum, officio suo totaliter non destituitur; sed si colluctatio in dies magis confusa irreparabiliter pervertatur, tunc natura lethaliter succumbit.

In hujusmodi Febribus ordinata sanguinis fermentatio depravatur, vel ob spiritus immediatè alteratos, ex occasione graviorum animi pathematum, vel ob æerem impurum inspiratum, & sanguinæ temperaturæ non conferentem, vel ob oppressas consuetas recrementorum secretiones, & excretiones, vel ob aliquid corruptum, & arterias subintrans, quod taliter cum integra massa confundatur, ut ab ista corrigi, nec segregari faciliè possit: Hinc fit, exoticum hostem non solum constitutiva sanguinis principia ab amica ipsorum compositione dissolvendo, violentum fœ-

dus



cus cum particulis ad tumultuandum magis dispositis conjungere, sed etiam pro turba fovenda, repetitis suppetijs (quod persæpè intervenit) per colluviem in ventre inferiori stabulantem subministratis, periodicum paroxysmum cum continua seditione confundere.

Non meum est hîc, Christiane, te multis curis, & studiis occupatum in theoricis explicationibus symptomatum diù detinere, cum tu potius me docere possis: sed ut propositum scopum de inutili harum Febrium medela attigam, morbum in quatuor tempora, juxta Methodicos, dividam; id est in principium, augmentum, statum & declinationem.

Si cathartica, sive emetica medicamenta in acutorum principiis indicari accidat, cum præcautione administrandum esse docet Hipp. Aphor. 21. & 24. Sect. 1. atque 10. Sect. 4. id est, tantummodò dum urgeat materiæ excrementiæ turgentia, quæ inani excretionis stimulo, ac intolerabili anxietate hinc indè vehementer agitur: hoc tamen cum rarò accidat, idè morbifica materia, quæ cruda tunc existit, nè moveatur, admonet.

Et quidem dum peccans aliquid humoris cum tota sanguinis massa minutim permistum effervesceat, si per medicamenta, quamvis

quamvis lenientia proritetur, vehementius exagitantur; id verò indifferenter subtrahetur, quod circa primas vias proclivius, & forsan minus nocuum deprehenditur.

Negare tamen nequeo, excretiones ab alio medicamento crassiores, ab alio seroiores, mitius, vel fortius promoveri; sed non concedam insitam ipsis esse, ut ita dicam, mentem, quæ misti particulas has seligere, has respuere sciat. Cruda itaq; excreta talia, qualia ex particulis tam puris, quam impuris simul intrò confusis subsistebant, integra asportantur, quamvis à medicamento alterata, non autem talia, qualia purgari oportet, juxta Hipp. Aphor. 25. sect. 1, dum post debitam concoctionem impuritates naturaliter subsidentes, & circa abdominis cola depositæ ad erumpendum faciles ultrò se præbent.

In hujus veritatis confirmationem dissimulari non potest, vomitum, & diarrhæam acutas febres sæpè à principio symptomaticè concomitari: Tunc conatus hujusmodi irriti, imò damnosi reperiuntur. Cur ergò purgationes, quæ simili tempore morbi coguntur ab arte, minoris detrimenti reputari debent? Istæ adhuc pejores ideò repudiantur, quia remedium evacuans aliquali malignitate non caret; perturbat sto-



bat stomachi fermenta, intestinorum actiones subvertit, sitim inducit, vires imminuit: quæ damna cum satis febricantes vellent, eò magis hoc medendi abusu exasperantur. Hinc meritò Valeriola scripsit, quod *omnia medicamenta malè administrata sint venena.*

Ab his itaque Febribus acutis, præter materiæ turgentis necessitatem, quomodo-cunque purgantia relegendur. Pro aliqua cruditate, quæ in primis vijs persistat, absumenda, satisfacit abstinencia à crasso cibo, quem ægroti abominari solent. Interim fordes ad intestina præterlapsæ sufficienter abluantur enematibus per totum morbi cursum repetendis. In casu autem, quod copiosa phlegmatis saburrâ stomachus gravetur, ne præcordiorum anxietates ex hac augeantur, emeticum lene, sicut est radicis hippoacannæ infusio, tunc à principio, fiducia levaminis, tutò exhibeatur.

Tuam, prudentissime Helwich, cautelam in raro, & placidè exhibendis purgantibus ità sum admiratus, ut quin tecum convenias non dubitem. In hoc igitur diutiùs non te detinebo; nam ad refrænandum morbum, qui majori ferocia in dies augetur, accurrere debeo.

Et quoniam ad sanguinis effervescentiam nimiam compescendam in morbi aug-

gmento potior intentio dirigitur, an venam tunc secare convēniat, nec ne, quàm maximè disputatur. Longum nimis esset utrinq; rationes repetere; satiùs est experientiæ decisionem committere.

Diuturna praxi observavi, infirmos indifferenter alios sanari, alios perire tam admissa, quàm omissa venæ sectione; ita ut, quanvis ob morbi violentiam mori contingat, phlebotomiæ occasio in Medicorum calumniam sæpè sæpiùs assurgit, qui ex utraque parte infelicitis eventus querelam evitare non possunt; dùm verò salutaris superveniat crisis, tunc ab illis, qui contrariam sententiã tuentur, temperamento robusto, ac soliùs Naturæ directioni tribuatur.

Quòd melius sit anceps, quàm nullum experiri remedium, assentior in desperatis casibus, ubi axioma prævalet, non quādo cum dubio morbo luctatur Natura, quæ sine ullo adminiculo viribus proprijs suffulta facilior est ad munus suum explendum, quàm si per venæ incisionem viribus diminutis irreparabile damnum ipsi inferatur. Certi enim sumus, sanguinem exhaustum non esse peioris notæ residuo in venis relicto. Agnoscimus pariter, fermentationem febrilem ad secernendum id, quod corpori officit, suscitatum necessario fuisse, cujus nimium æstum si moderari intendamus  
(ut ex-



(ut expurgatio placidiori digestionē securior obtineatur) cur potius abiq; spirituum jactura rationabilius id consequi non curamus per extrinseca remedia, applicando fronti, temporibus, carpis, & plantis pedum pulpam cucurbitæ, vel citrulli, folia semperivi majoris, plantaginiss, bursæ pastoris, anagallidis fæminæ cum aceto confusa, aut amylicum ovorum albumine, & similia.

Objiciet aliquis quantitatem his non diminui. Sed quis post fœdera aliquot dierum inter nauleam & jejunium sancita, ac observata plenitudinem luxuriare judicabit? Urgeant adhuc alij, hæmorrhagias in Febribus Putridis, & Malignis ab ipsa natura promoveri. Concedo, salutis commo-  
modo, in morbi declinatione hoc fieri, quotiescunq; vitiosa materia excluditur procul à morbi foco, & in venis ad extram magis patulis collecta, & retardata ob copiam, & acedinem, anastomosin aperit. E contra valde timendum est in morbi vigore profluvium sanguinis è naribus, quod in Epidemicis sæpè observatur.

Jam ad morbi statum perveni, in quo quiescere suadet Hipp. Sect. 2 Aphor. 24. Attamen Medici ægros vexare non desinunt frictionibus, cucurbitulis, vesicatorijs, epithematibus, cordialibus misturis, confessionibus, pulveribus, julepis, & mille alijs

injucūdis pharmacis, quibus sedulos assistētes per omnia momenta præoccupant, ne ipsorum supervacanea importunitate intempestivè turbentur.

Et quidem quid boni sperandum ex frictionibus, quæ musculares fibras distrahunt, & lassitudinem, ac lumborum dolores augent? Quid boni sperandum à sanguine per cucurbitulas, vibicum instar, concrefcente, cujus pars crassior sub cute livescens jam cadaverosa, dum à sanguine recenti resolvitur, & in venas simul propellitur? Nec desunt, qui validis rationibus vesicatoria damnet, quorū dolor ulcerosus sufficit solus feбри accendēdæ, præter veneficā catharidū penetrationem usq; ad vesicæ erosionem; quod malum saltem ut evitetur, flammulæ Jovis folia substituuntur. Suppositoria verò in memoriam mihi reducunt astum Mancipiorum detectum, dum prima praxis rudimenta in ipsorum nosocomio Liburni addiscebam, quorum aliqui, ut navigationem evitarent, allij spicā cortice mundatam in ani sphincterē introducebant, & ex hac causa consultò febricitabant: Eò magis ideò in acutis febribus suppositoria nocebūt.

O bone DEUS! si athleticum virum fanissimum renuissimo cibo sorbili, & aquosis potionibus per aliquot dies extenuemus, & interim medicamento purgante, & sanguinis



gvinis repetita missione depleamus, inter-  
positis clysteribus, vesicatorijs, & cæteris  
supradictis sine intermissione tormentis,  
quis eum certò ægrotaturum fore, & ul-  
mo forsan fato cessurum non suspicabitur?  
Si hoc timendum sit in sanis hominibus, in-  
fallibilis sequitur deductio, quod in infirmis  
simili methodo tractatis meliora sperari  
non debeant.

Quoad cardiaca remedia, nunquam  
illis contemperatis me opposui, quæ blando  
odore, gratoq; sapore libenter accepta spi-  
ritus recreant; uti est florum tunicæ, & ja-  
smiini julepus, ac conserva, aqua totius  
citri, & similia. Propinare aromata acu-  
ta, & omnia, quæ sale volatili oleoso sunt ni-  
mis prædita non auderem, ne humoribus  
æstuantibus fomitem adderem. Crustacea,  
testacea, margaritæ, oculi cancrorum, cor-  
nucervi, unicornu. pretiosi lapides, & cæte-  
ra fixa absorbentia, quæ utpotè terra da-  
mnata, digestioni non parent, nec quid-  
quam à se dimittunt, inutiliter pro alexi-  
pharmaco cordiali assumuntur; nam gravi-  
tantùm calce stomachum, & intestina ob-  
ducere, atq; ipsorū meatus obstruere valent.

Sed quò digredior, & potum inexplē-  
bili febricitantium siti necessarium tamdiū  
detineo! Incuriam ubertim compensabo.

In membrana subcingente palatum,

lingvam, & fauces continuata cum interiore stomachi tunica, sensus humida appetendi suscitatur molestus, vel propter salis sive salis, sive urinosi exustionem, vel propter asperam dictarum partium siccitatem, dum istæ sufficienter non irrigantur à lymphâ, quæ sive aliorum exhausta, sive vitio crassi lentoris, aut glandularum salivarium qualicunq; obstructione difficulter excurrit. In Febricitantibus muria nidorosa, seu oleosum bilis lixivium exaltatum in ore percipitur, & in urina apparet; crusta lingvæ albida, & siccitas adusta salas fuligines concretas, & obstruentes denotat

Hæc sunt interni status præconia, quibus denunciatis convincor, quod subtrahendo potum ab ægris, hos iniqua sententia cruciatur clamoso condemnamus: nil enim melius, quàm aquosa vim densi salis causticam adimunt diluendo; sic fermentescentibus particulæ disgregatæ mollius moventur, & lubricam segregationis facilitatem adipiscuntur. Id clarè ab Hippocratis auctoritate confirmatur, dum jubet, evacuanda oportere prius humida facere, in Aphor. 9. Sect. 2.

Quò simplicior potus, eò naturalior, & salubrior est reputandus, ut aqua è fonte puriori, ac destillata è lactuca, endivia, boragine, acetosa, & sero lactis; liquor enim



enim crassiori aliqua substantia semel saturatus nova corpora nec tam promptè imbibit, nec tam fluidè permeat, sicut citius corrumpitur; cuiusmodi est ptisana, & similes decoctiones. Aliquando tamen pro delicijs acidulos julepos non rejicio multa aqua dilutos, inextingvibilis sitis solamina, quamvis saccharum aliquomodo fermentationi obnoxium noceat; inter quos syrupus acetosæ, ribium, aciditas citri, & aurantiorum, granatorum, & cerasorum acidorum excellunt. Emulsiones item è quatuor leminibus refrigerantibus, ac papaveris cum aqua florum rhæados extractas, & cum syrupo lactucæ edulcoratas, ubi somnus conciliari debet, propinare liceat.

Potus in tanta copia concedatur, quantum stomachus absq; notabili gravamine acceptet. Unica jactura, quæ ab excessu consequi accidat, est viscerum infractus in convalescentia reparabilis. Corrigendus tamè mihi videtur illorū abusus, qui gelidos liquores febricitantibus largiuntur, & non considerant, quod si quis postquam incaluerit balneo, insolatione, motu, &c. aquâ actu frigidam bibat, subindè pectoris inflammationē facile contrahit: similiter hic, ubi major est dispositio, visceris alicujus inflammatio timeatur, vel saltem, ne sanguinis effervescencia rarefactus subita congelatione com-

ne comprimatur, & pro defæcatione impuri  
impos Natura reddatur, & succumbat.

Tutiùs est tepidè bibere, & eò tepi-  
diùs consulo, quò propius ad morbi decli-  
nationem accedimus: in hoc etenim mor-  
bi gradu Natura crìsim disponit, quæ ut-  
plurimùm cum sudore perficitur. Tunc  
ideò medentes sudorificis prævenire solent,  
sed perperam, quia nemo securus esse po-  
test, per quæ loca conferentia vergere Na-  
tura intendat, quod ante decimum quar-  
tum diem in acutis rarissimè, cum securitate  
contingit. Sic præmaturi conatus, præci-  
pue salino-volatili diaphoretico impulsu vel  
ipem eludunt irriti, vel perficiendæ con-  
coctionis proximas dispositiones pertur-  
bant, vel forsitan aliorsum, præter Naturæ  
directiones, morbidam materiam pessimè  
divertunt.

Primus, qui pro diaphoretico in Malignis  
lapidem bezoar ab India translatum di-  
vendidit, si non tam lucri cupidine, quàm  
artis dexteritate inductus fuisset, aliquam  
mereretur laudem: cùm enim vulgus re-  
mediorum vanitate decipi omnimodè velit,  
saltem hujusmodi innocuis ipsi blandiri li-  
ceat. Dicant quæso Practici sinceritatis  
amantes, an ante criticum tempus ab as-  
sumpto bezoar sudores statim profluxe-  
rint? Fateri quidem debent, quòd tantùm

mo-



movente Natura, opinabilis illius alexipharmaci vires admirati fuerint. Nullum est dubium, efficaciori activitate eundem effectum tunc temporis produci à calidis jusculis, immo & à simplici aqua calida epota, saccharo ad gratiam edulcorata; sed quia hæc ab incoctis Indicis ingredientibus non adipiscitur famam, ideo pro vili reputatur.

Pro crisi potius perficienda, lapis hystricis vim bilis dissolventem, & absterisivam retinens, ubi materiæ lentor expostulat, non totaliter inutilis rejiciatur; hac tamen æquitate, ut ceteri lapides in cistifellea aliorum animalium inventi, parem commendationem, merentes, non postponantur.

Quod febres acutæ nostris opibus non indigeant, convincunt rustici dispositionibus Naturæ tantum permissi, qui parem exitum fortiuntur, ac cives medicis adminiculis suffulti, quorum aliquos observavi optimis signis securitatem portendentibus objisse, è contrà plures à Medicis spe, & auxilio derelictos convaluisse, confirmando Hipp. Aphorismum 19. Sect. 2

Cæterum patet, sanguinem non aliter, ac mustum, & cerevisiam novellam tamdiu effervesce, donec (concoctione rite procedente) depuretur; quod opus inge-

nio

nio solius Naturæ commendatum, duarum septimanarum spatio perfici solet; sicut prædicti liquores, juxta suorum componentium constitutionem, tempora purificationi destinata observant.

Postquam salutem infirmo corpori Natura restituerit, nil aliud moliendum restat, quam vires paulatim reficere, monitu Hipp. Aph. 2. Sect. . *Que inducuntur, & indicata sunt integrè neq; movere, neq; novare aliquid sive Medicamentis, sive aliter irritando, sed sinere.* Nihilominus non valedicit Medicus cōvalescēti, nisi prius superfluo cathartico hunc laxaverit: quod, juxta Aphor. 12. Sect. 2. ritè adimpleri solummodò convenit, quando aliqua incommoda, quæ simul cum lyfi totaliter non quiescunt, extrà acuti morbi limites adhuc adimere superfit, ne recidiva excitetur.

Plurimo verborum tædio tuam, Helwiche, patientiam læsi; erravi, fateor, cū sciam paucis Naturam esse contentam, cujus arcana in febribus Putridis, & Malignis inutili curiositate scititanti satiùs mihi fuisset stupenti silentio mirari. Tu interim diù vale, & penetralia Naturæ perspicaciori lumine scrutari persevera.

*Cracoviae IV. Kalendas Februarij MDCCXVII.*





## Errata nonnulla corrigenda.

### *In Tractatu de Plica.*


In ipsa Præfatione columna 1. post Titulum versu 5to, velut *lege* vel ut

In signatura B. columna 2da, versu 2do conservat, *lege* conservant, in eadem signatura columna 6ta, v. 14. Cornæ *lege* corneæ. Item in columna 9. v. à fine 3tio, gravitatem *lege* gravitantem.


In signatura Literæ C. columna 6. v. 7. mistum disponit, *lege* disponant, Item in columna 8va v. 12. per acerrimum lixium, *lege* lixivium. In columna 14. v. 22. *Scrophulariæ unc. j.* *lege* *drac. j.* In signatura Literæ D. v. 6, sulphurem *lege* sulphuream

### *In Tractatu de Peste.*

Columna post Lectorem 5ta, v. 15. canes in antrum Agnani. *lege* in antrum Canis dictum. Ibidem in signatura Literæ B. 3. versu 1mo, sanguis copiosus, *lege* copiosius. Ibidem in columna 12. v. 10. extrahere *lege* attrahere. Ibidem in columna 15. v. 8. *Lactis sulphuris drac. ij.* *lege* *scrup. ij.*



















Biblioteka Jagiellońska



stdr0025509

